

გიორგი ნიკოლაძე

პირველი ქართული ესკულა მუნიციპალიტეტში

ზაზა აბუიანიძის
რედაქციით, წინასიტყვაობითა და შენიშვნებით



გამომცემლობა „საბოთა საქართველო“
თბილისი — 1983

7A6.3(c41)
75.82 (2r)
796.5(Н7.922)
Б 636

გიორგი ნიკოლაძის (1888 — 1931) შთამსვლელი დღიური საბჭოთა ალპინიზმის დაბადების მომასწავებელი ერთ-ერთი პირველი დოკუმენტია. გიორგი ნიკოლაძე — გამოჩენილი ქართველი მათემატიკოსი და მეტალურგი, სორბონის უნივერსიტეტის დოქტორი, ქართული სპორტული მოძრაობის ფუძემდებელი — სპორტს განსაკუთრებულ მნიშვნელობას ანიჭებდა საზოგადოების განვითარებაში. ეს კარგად ჩანს მისი ჩანაწერებიდან, „პირველი ქართული ასვლა მყინვარწვერზე“, რომელნიც, ამასთან ერთად, გვაცნობენ მათი ატორის მრავალფეროვანი ნიჭის კიდევ ერთ მხარეს — სინტერესოდ და ხატოვანად თბრობის უნარს.

420200000 — 128
H ————— 232—83
M601 (08) — 83

© გამომცემლობა „საბჭოთა საქართველო“, 1983

გიორგი ნიკოლაძის მთამსვლელური დღიური

თვითმხილველის ჩანაწერებს დრო-ჟამი ზოგ-
ჯერ განსაკუთრებულ ელფერს ანიჭებს. სწორედ
ამგვარი ელფერი მიანიჭა განვლილმა ნახევარმა
საუკუნემ გიორგი ნიკოლაძის დღიურს.

გიორგი ნიკოლაძეს (1888 — 1931) — გამო-
ჩენილ ქართველ მათემატიკოსსა და მეტალურგს,
სორბონის უნივერსიტეტის დოქტორს, ქართული
სპორტული მოძრაობის ფუძემდებელს — მკი-
თხველთა უმცროსი თაობა მხოლოდ მისდამი მი-
ძღვნილი წიგნებითა და სტატიებით იცნობს, უფ-
როს თაობაში კი შეხვდებით იმათ, ვინც ისმენდა
მის ლექციებს, ვარჯიშობდა მის მიერ დაარსებულ
„შევარდენში“ ან მონაწილეობდა მის მთამსვლე-
ლურ ექსპედიციებში. სწორედ ამ უკანასკნელთ
თუ აქვთ შემონახული დროისაგან გაყვითლებული
ფურცლები საქართველოს გეოგრაფიული საზო-
გადოების მოამბისა, სადაც დაისტამბა გიორგი ნი-
კოლაძის მიერ ამ საზოგადოების პირველ სხდომა-
ზე, 1924 წლის 24 მარტს წაკითხული მოხსენების
სტენოგრამა. ეს მოხსენება ეძღვნებოდა ქართველ
მთამსვლელთა პირველ ასვლას მყინვარწვერზე.
ვიდრე ამ ასვლაზე ვიტყოდე რამდენიმე სიტ-

ყვას, მკითხველის ყურადღებას თვით მომხსენებლის პიროვნებაზე შეეაჩერებ.

თითოეულ ახალთაობას ჰყავს თავისი კერპი, რომელშიც ამ თაობის სულიერი, ზნეობრივი, ესთეტიკური იდეალებია პერსონიფიცირებული. იმ თაობისათვის, რომელიც ცხოვრების ასპარეზზე 20-იან წლებში გამოვიდა, ამგვარ კერპს გიორგი ნიკოლაძე წარმოადგენდა. მაგრამ, თუ საკმაოდ ხშირად, ასეთი კერპები თავის მოძიბლობას კარგავენ და ასაკში შესული გუშინდელი ჭაბუკები თავისოდინდელ ალტაცების საგანს შარავანდედ-შემოდარცულს ხედავენ — ცხოვრებით დამძიმებულს, ჯანგატეხილს, სულით დაკნინებულს, — გიორგი ნიკოლაძის სახელმა ეს შარავანდედი დღემდე შეინარჩუნა.

ბუნებრივია ისიც, ამ ფენომენის ამოცნობა რომ გვწადდეს. მაინც, რატომ შემორჩა ეს შარავანდედი გიორგი ნიკოლაძის სახელს? პირველ ყოვლისა, ალბათ, იმეტიომ, რომ გიორგი ნიკოლაძის ესოდენ პარმონიული პიროვნება, ალორდინების იდეალურ ადამიანს რომ წააგავდა, სულიერების ღრმა ფესვებით იკვებებოდა, შინაგანად მომავლისაკენ იყო ორიენტირებული, ხოლო ყოველივე ეს ერთ, საერთო საზრისს აძლევდა მთელ მის ცხოვრებას, ერთ ჩარჩოში აქცევდა მის ურთიერთგანსხვავებულ ინტერესებსა და გატაცებებს. არ შეცდებით, თუ ამ ჩარჩოში თქვენ საქართველოს კონტურებს დაინახავთ...

გიორგი ნიკოლაძის უნივერსალიზმი უთუოდ

შთამომავლობითი იყო. ჩვენს მკითხველს კარგად მოეხსენება გიორგი ნიკოლაძის მამის, დიდი ქართველი „სამოციანელის“ — ნიკო ნიკოლაძის ლიტერატურულ-პუბლიცისტური, სოციალ-პოლიტიკური, ეკონომიკური ინტერესების სფერო და მისი ღირსშესანიშნავი მოღვაწეობა ყველა ამ დარგში. ისიც ცხადია, რომ ნიკო ნიკოლაძის შვილებს სპორტისადმი განსაკუთრებული ინტერესი, საზოგადოდ ადამიანის სულიერი და ფიზიკური სრულყოფისაკენ სწრაფვა, სწორედ ოჯახიდან მოსდგამდათ.

თამარ ნიკოლაძე (1892 — 1939) — ბევრ სხვა გამორჩეულ თვისებებთან ერთად, თანამედროვეთა მეხსიერებაში შესანიშნავ ტანმთავარჯიშედაც დარჩა. (ოციან წლებში თამარ ნიკოლაძემ პირველობა დაისაკუთრა ლონდონში გამართულ ტანმთავარჯიშე ქალთა შეჯიბრებაში). იგი გვერდში ედგა ძმას „შევარდენის“ ორგანიზაციულ საქმიანობაშიც, ტანვარჯიშის ტერმინოლოგიის დადგენასა და მრავალ იმ კეთილშობილურ წამოწყებაშიც, რომელთაც გიორგი ნიკოლაძე თაოსნობდა.

თვით გიორგი ნიკოლაძე ტანვარჯიშით სერიოზულ დაინტერესებას უმადლოდა თბილისის პირველი გიმნაზიის პედაგოგს, ეროვნებით ჩეხს, ანტონ ლუკეშს, რომელმაც, საზოგადოდ, დიდად შეუწყობ ხელი ტანვარჯიშის დანერგვასა და პოპულარიზაციას საქართველოში.

1908 წელს გიორგი ნიკოლაძე მონაწილეობს სოფიის სატანვარჯიშო შეხვედრაში, ხოლო 1912

წელს იგი პრალაში გამართულ საერთაშორისო შეჯიბრებაში იმარჯვებს ექვსკილის სახეობაში (მაშინდელ ექვსკილში შედიოდა ტანვარჯიში, სირბილი, სიგრძეზე და სიმაღლეზე ხტომა, შუბისა და ბადროს ტყორცნა). სხვათა შორის, ამ შეჯიბრების დროს გადაღებულმა სურათმა, რომელზეც გიორგი ნიკოლაძეა აღბეჭდილი ბადროს ტყორცნის დროს, მსოფლიო შემოიარა ამ სიტყვის პირდაპირი გაგებით, რადგან საფოსტო ბარათის სახით გამრავლდა.

1918 წელს გიორგი ნიკოლაძის თაოსნობით არსდება სპორტული საზოგადოება „შევარდენი“, რომელიც თავდაპირველად ძირითადად ტახვარჯიშის მოყვარულთ აერთიანებდა (ეწყობოდა საჩვენებელი სატანვარჯიშო გამოსვლები საქართველოს სხვადასხვა ქალაქებში, განსაკუთრებული წარმატება კი წილად ხვდა 1920 წელს დღევანდელი ოპერისა და ბალეტის თეატრის შენობაში გამართულ სატანვარჯიშო საღამოს), მაგრამ გიორგი ნიკოლაძის ირგვლივ შემოკრებილ ახალგაზრდობას სულ უფრო და უფრო იტაცებდა აზრი — ფეხით შემოევილოთ საქართველო და კავკასიონის უმაღლესი მწვერვალები დაეპყროთ. ცნობისწადილთან და გამარჯვების სურვილთან ერთად ამ ახალთაობას ეროვნული იმპულსიც ამოძრავებდა, რაც კარგად ჩანდა მათი საზოგადოების დევიზშიც „გუშაგობ ერს? — მარად!“

გიორგი ნიკოლაძე სპორტს საზოგადოებრივი მოძრაობის მნიშვნელობას ანიჭებდა და მისთვის

მყინვარწვერის ექსპედიცია — თვრამეტე მთამსვლელის, მათ შორის ხუთი ქალის მწვერვალზე ასვლა, მხოლოდ სპორტულ რეკორდს როდი წარმოადგენდა. გიორგი ნიკოლაძის ჩანაწერების კითხვისას ჩვენ ადვილად წარმოვისახავთ მისი ექსპედიციის სულისკვეთებას — რაინდულს, ეროვნული სიამაყითა და გზის გამკვლევათა ღირსებით გამსჭვალულს. ამავე დროს, ექსპედიციის მონაწილეთა სიის უბრალო გადაკითხვაც კი კმარა, რომ დარწმუნდეთ, რაოდენ სამაგალიტო იხტერნაციონალური სული აერთიანებდა ბირველ ქართველ მთამსვლელებს მათ სხვადასხვაეროვან კოლეგებთან.

გიორგი ნიკოლაძის ჩანაწერები იმაზეც მოგვითხრობენ, თუ როგორ დამეგობრდნენ ახალგაზრდა თბილისელი მთამსვლელები და ხევის მკვიდრნი, როგორ სიმბოლურად გამოიხატა მოხვე-გამცილებელთა თანადგომაში ქართული მთამსვლელური ტრადიციისა და ალპინიზმის ხბილი ეტაპის უწყვეტი კავშირი.

მყინვარწვერზე ასვლის ჩანაფიქრი თვით გიორგი ნიკოლაძეს ეკუთვნოდა. ექსპედიციის მონაწილე, გადამდგარი აღმირალი მიხეილ ჭინჭარაძე იგონებს: „გიორგი ნიკოლაძე ხშირად გვკრიბავდა უნივერსიტეტის სტუდენტებს, „შევარდენის“ წევრებს, სხვა ახალგაზრდობას და ლაშქრობებში დავეყავით. ამგვარ მოგზაურობებს „გაფრენებს“ ვეძახდით. ერთ-ერთი „გაფრენის“ შემ-

დეგ გიორგიმ შემოგვაპარა, მოდით, მყინვარწვერზე ვცადოთ ასვლაო...”

დღეს, როდესაც დაპყრობილია ჯომოლუნგმა თუ ანაპურნა, მკითხველს, ალბათ, გაუკვირდება, რამდენი მიზანსწრაფვა, სიმხნევე, თანადგომა უნდა გამოეჩინათ გიორგი ნიკოლაძესა და მის ამხანაგებს იმისათვის, რომ დევდორაკის მყინვარის სახითათო გზით, 20-გრადუსიან ყინვაში, თვითნაკეთი საჭურვლით ასულიყვნენ მყინვარწვერზე 1923 წლის 28 აგვისტოს.

სიმბოლიური იყო ისიც, რომ მწვერვალიდან დაშვებისას გიორგი ნიკოლაძის ჯგუფი პროფესორ ალექსანდრე დიდებულის ექსპედიციას შეხვდა, რომელიც მყინვარწვერისაკენ უკვე სამეცნიერო მიზნებით მიეშურებოდა. სხვათა შორის სწორედ ამ ორი ექსპედიციის მონაწილეთა თაოსნობით შეიქმნა საქართველოს გეოგრაფიული საზოგადოება, რომლის პირველ სხდომაზე, როგორც უკვე მოგახსენეთ, გიორგი ნიკოლაძემ წაიკითხა მოხსენება მყინვარწვერზე ასვლის შესახებ (აქვე უნდა ითქვას, რომ გიორგი ნიკოლაძე ხელმძღვანელობდა ახლად შექმნილი საზოგადოების მთავლა-მგზავროსნობის განყოფილებას).

გიორგი ნიკოლაძის ექსპედიციის მონაწილენი — ასმათ ნიკოლაიშვილი, ელენე ლორთქიფანიძე, მარიამ ტყავაძე იგონებენ, როგორი საზოგადოებრივი რეზონანსი გამოიწვია ამ მოხსენებამ და, საზოგადოდ, მათი ექსპედიციის წარმატებამ.

შემდგომში, 1926 წელს, ამ მოხსენებით გიორგი ნიკოლაძე წარსდგა ლონდონში სამეფო გეოგრაფიული საზოგადოების წინაშე. აღსანიშნავია, რომ გიორგი ნიკოლაძის მოხსენების მოსასმენად საზოგადოების სხდომაზე ლონდონში საგანგებოდ ჩამოვიდა ევროპული ალპინიზმის პატრიარქი, იმხანად ოთხმოცდაათ წელს მიტანებული სერ დუგლას ფრეშფილდი, რომელიც თავის დროზე, 1867-68 წწ.-ში ავიდა ყაზბეგზე, იალბუხსა და თეთნულდზე.

1925 წელს გიორგი ნიკოლაძემ 19-კაციანი ჯგუფი (მათ შორის კვლავ ხუთი ქალი) ამჟერად იალბუხზე აიყვანა. აღსანიშნავია, რომ ამ ჯგუფს ახლდნენ გამყოლები იაგორა კაზალიკაშვილი და გაბა წიკლაური, რომელთაც უკვე საბოლოოდ დაუქავშირეს თავიანთი ბედი ქართულ ალპინიზმს.

1929 წელს გიორგი ნიკოლაძის თაოსნობით იქმნება კავკასიის უღელტეხილთა შემსწავლელი კომპლექსური ექსპედიცია სამი სექციის შემადგენლობით (ერთ სექციას თვითონ გიორგი ნიკოლაძე ხელმძღვანელობდა, დანარჩენ ორს — მისი მეგობრები და მოსწავლეები — შოთა და დევი მიქელაძეები). გიორგი ნიკოლაძის სექციის გეგმით განზრახული იყო თეთნულდზე ასვლა და, მართლაც, 1929 წლის აგვისტოში გიორგი ნიკოლაძის ექსპედიციამ თეთნულდისაკენ აიღო გეზი. მოიერიშე ჯგუფი სამი კაცისაგან შედგებოდა, ესენი იყვნენ: გიორგი ნიკოლაძე, სიმონ ჭაფარიძე და პიმენ დვალი.

თეთნულდზე ასვლის დღეს, 27 აგვისტოს გიორგი ნიკოლაძე თავზარდემცემი ტრაგედიის მოწმე გახდა — თვალის დახამხამებაში მისი ორი თანამგზავრი თეთნულდის ყინულს მოსწყდა და უფსკრულში გადაიჩენა. „შეწყდა ხმაური, — წერდა გიორგი ნიკოლაძე თავის დღიურში, — დადუმდა ყველაფერი და მხოლოდ მე დავრჩი ამ ყინულისა და სიკვდილის სამყაროში... რაც ამას მოჰყვა, თუ როგორ დავბრუნდი ღამის გათევის ადგილამდე — მახსოვს მხოლოდ ოდნავ, ნაწყვეტბად, თითქოს სიზმარში მოხდაო“.

გიორგი ნიკოლაძის მთამსვლელური დღიურები მისი მრავალფეროვანი ნიჭის კიდევ ერთ მხარეს ავლენენ — საინტერესოდ და ხატოვნად თხრობის შესანიშნავ უნარს, თავისებურ სტილსა და ლექსიკას. აქვე უნდა შევნიშნო, რომ გიორგი ნიკოლაძის ტექსტში მოხმობილი, მის მიერვე შემუშავებული ტერმინებიდან არაერთი — პირველ ყოვლისა თვით სიტყვა „მთამსვლელობა“ (ნიკოლაძისეულია აგრეთვე „ტანვარჯიში“, „ფეხბურთი“, „ფრენბურთი“, „კალათბურთი“ და ბევრი სხვა სპორტული თუ ტექნიკური ტერმინი) — დაინერგა ჩვენს ყოველდღიურ მეტყველებაში, ისევე როგორც თავის დროზე მამამისის, ნიკო ნიკოლაძის მიერ შექმნილი „ლიანდაგი“ ან „ორთქლმავალი“. გიორგი ნიკოლაძის სიტყვათქმნადობის ზოგიერთი ნიმუში კი, მსგავსად „მენიკისა“ ან „ტვერთმტარისა“, ქართულმა ენამ მიზეზთა და მიზეზთა გამო ვერ იგუა.

მკითხველი, რაღა თქმა უნდა, შიხვდება, რომ ჩვენს პუბლიკაციაში შენარჩუნებულია გიორგი ნიკოლაძის მართლწერაცა და ტერმინოლოგიაც 1924 წელს გამოცემული სტენოგრამის მიხედვით. თვით ეს სტენოგრამა დღეს ბიბლიოგრაფიულ იშვიათობას წარმოადგენს და ვფიქრობ, მისი გამოცემა მყინვარწვერის ექსპედიციის მესამოცე წლისთაეზე საინტერესო იქნება იმათთვისაც, ვინც თავად იყო საბჭოთა ალპინიზმის დაბადების მომსწრე, იმათთვისაც, ვინც ეს შესანიშნავი მთასვლური ტრადიციები განაგრძო და პაძირის ერთ-ერთ უსახელო მწვერვალს გიორგი ნიკოლაძის სახელი დაარქვა და იმათთვისაც, ვინც ქართველი მთამსვლელების მყინვარწვერზე ასვლას უკვე შორეულ ისტორიად აღიქვამს, ხოლო გიორგი ნიკოლაძის სახელს — მშვენიერ ლეგენდად.

ზაზა აბჯიანიძე

საქართველოს გეოგრაფიული საზოგადოების
მ თ ა მ ბ ი.

1924 წ.

№ 1

მთასულა-მგზაეროსნობის განყოფილების წერილები.

დოც. გ. ნიკოლაძე

**პირველი ქართული ასულა
მყინვარ-წვირზე.**

ტფილისი.
ს. შ. უ. ს. პოლიგრაფ. განუ. ში-3 სტამბა.
1924

ჩვენ ჯგუფს მიზნათ აქვს საქართველოს ყველო მხარეების გაცნობა. უკვე ხუთი წელიწადია, რაც ჩვენ ამ მიზანს თანდათან ცხოვრებაში ვატარებთ. კავკასიონის ქედის მწვერვალებმა დიდი ხანია მიიბყრეს ჩვენი ყურადღება. მათი ძნელად გასავლელი და სახიფათო კლდოვან-ყინულოვანი ბილიკები, გვიზიდავდნენ. ამ მოუვალ მწვერვალთა შორის მყინვარ-წვერი (მყინვარი, აგრეთვე ყაზბეგი) რაღაც მიუწვდომელ, შორეულ, მაგრამ მშვენიერ ოცნებათ გვეჩვენებოდა.

მაღალ მთებზე ასვლების სხვადასხვა აწერილობათა წაკითხვის შემდეგ ერთი საკითხი გვებადებოდა: რატომ არის, რომ ინგლისელები, გერმანელები, რუსები ახერხებენ მაღალ მწვერვალებზე ასვლას, და ჩვენ ქართველები კი, რომლებსაც ჯომარდობის (სპორტის) სხვადასხვა დარგში დიდი უნარი გამოგვიჩენია, მთასვლაში კი (ფ. ი. ალპინიზმში) აქამდის სრულიად არაფერი გავვიკეთებია. „თუ სხვებს შეუძლიანთ, ჩვენ მით უფრო შევძლებთ, რადგან ჯომარდობაში დახელოვნებული ვართ“, ვფიქრობდით და ამიტომ თვით მყინვარ-წვერზე ასვლა განვიზრახეთ. გავეცანით ტფილისში მთებზე ასვლის შესახებ არსებულ მთელ ლიტერატურას და განსაკუთრებით კი მყინვარ-წვერის შესახებ.

მყინვარ-წვერი 5047¹ მეტრის სიმაღლეს აღწევს და ძალიან ძნელად მისაღწევ მწვერვალად ითვლება, რადგან მის ფერდობებს ყოველ მხრივ საშინელი დაქანება აქვს. თვით იალბუზზედაც (5629 მეტრი)² ასვლა, რომელიც მყინვარ-წვერზე 600 მეტრით მაღალია, გაცილებით ადვილი ყოფილა. პირველი ადამიანი, რომელმაც გაბედა და მყინვარის თხემზე ფეხი შესდგა, განთქმული ინგლისელი მთასვლელი Freshfield-ი იყო. 19 ივნისს 1868 წელს ის და მასთან ერთად Jucker-ი, Moor-ი და გამოჩენილი ალპიელი გამყოლი. Devoissoud მყინვარ-წვერზე აღმოსავლეთის მხრიდან ავიდნენ. ეს გზა სოფელ გერგეთიდან იწყობა და ეხლა ასასვლელად უძნელეს გზათ ითვლება. ამის შემდეგ სხვადასხვა დროს ამ შესანიშნავ მწვერვალზე უკვე მთელი რიგი უცხოელები ასულა; მაგალითად 1889 წ-ის 29 ივლისს გამოჩენილი რუსი მთასვლელი პასტუხოვი, 1891 წ. 18 ენკენისთვეს³ განთქმული გერმანელი Merzbacher-ი. 1901 წლის 2 აგვისტოს ავიდა პირველი ქალი მარიამ პრეობრაჟენსკი. ეს საკვირველი ქალი შემდეგ კიდევ ბევრჯერ ასულა, დღემდის სულ 9-ჯერ და ეხლა კი, 60 წლის მოხუცს, მე-10-ჯერ ასვლა განუზრახავს. რაც შეეხება ქართველებს, გარდა ადგილობრივი მოხევე გამყოლებისა, ცნობა არა გვაქვს,

¹ უახლესი აზომვების თანახმად — 5039 მეტრი.

² იალბუზის დასავლეთ მწვერვალის სიმაღლეა 5642 მ., ხოლო აღმოსავლეთის — 5621 მ.

³ ანუ — 18 სექტემბერს.

რომ ვინმე ასულიყოს. ეგონებ, რომ ჩვენს წინად მყინვარ-წვერზე, ან და სხვა რომელიმე მაღალ მთაზე არც ერთი ქართველი მოგზაური ტურისტი არ ასულა¹. მოხვევები კი, როგორც გამყოლები, ხშირად ადიოდნენ. მათ შორის ყველაზე ცნობილია სოფ. ცდოს მცხოვრები გახა წიკლაური, რომელიც უწინ 15-ჯერ ასულა მყინვარ-წვერზე და ეხლა, ჩვენს შემდეგ, დიდებულის ექსპედიციას მე-16-ჯერ აპყვა.

ყველაფერი, რასაც ლიტერატურა გვაწვდიდა, წარსულს შეიხებოდა. ამ უკანასკნელ დროს კი, უკვე რამოდენიმე წლის განმავლობაში, აღარავინ ასულა. უცნობი იყო თოვლის და ყინულის მდგომარეობა. მოშლილი იყო ყველა ბილიკები და გზის მაჩვენებელი ნიშნები, ამიტომაც ჩვენი გადაწყვეტილება: „მყინვარ-წვერზე ასვლა“ ერთგვარ გაბედულობას წარმოადგენდა და, თუმცა თავი ამაყათ გვეჭირა, მაგრამ ათასნაირი ეჭვი გვეპარებოდა: „ვაი თუ ვერ ავიდეთ“.

თავდაპირველად სიარულში, გაივარჯიშდით: ზაფხულის განმავლობაში მოვაწყეთ მრავალი გაფრენი (ექსკურსია) და ამ გაფრენებზე შევეჩვიეთ სიარულს ყოველგვარ პირობებში: კლდოვან ჯგებზე, კარგ და ცუდ ამინდში, დღისით და ღამე და დიდ მანძილზე. სხვათა შორის, ვიყავით ჩა-

¹ გამონაკლისს წარმოადგენს მოხივე სტუდენტი ანდრია თოფაძე (საქ. გეოგრაფიული საზოგადოების წევრი), რომელიც პირველად 1911 წელს ავიდა მყინვარ-წვერზე და შემდეგაც რამდენჯერმე ასულა — (ავტორის უნიშვნა).

თ.ხის ქარხანაში, რომელიც ტფილისზე 73 კილომეტრით დაშორებულია; მთელი ბორჩალო ორგზათ ფეხით გავიარეთ.

სიარულში გავარჯიშების გარდა, საჭირო იყო სხვა მსარიდაც მომზადება, და ჩვენ ამასაც მუყაითად შეუდგაით.

ცნობილია, რომ მაღალ მთებში შუა ზაფხულშიაც ზშირად დიდი ყინვები იცის, და ამისათვის საჭირო იყო თბილი და მსუბუქი ტანსაცმელი. აგრეთვე საჭირო იყო ფეხსაცმელი, სამთასგლო წერაქები, ანუ წერაყინები, თოკები, ბნელი სათვალეები, კარავები და განსაკუთრებული სურსათი. ყველაფერი ეს დიდ ზრუნეას და დიდ ხარჯებს მოითხოვდა. ამაში დიდი დახმარება მთავრობამ გაგიწია. ყოველი დაწესებულება, რომელსაც მივმართეთ, რამეს გვაძლევდა. განსაკუთრებით კი დაგვეხმარნენ: განათლების კომისარის მოადგილე მარიამ ორანელაშვილი. ს. მ. უ. ს. ლითონთა განყოფილების უფროსი ბ. კალანდაძე. საქართველოს სპარტაკის თავმჯდომარე ნ. ცნცაძე, ცეკავშირის თავმჯდომარე მ. გორაშვილიძე. ხოლო უმთავრესი ჩვენი ხელის შემწყობი სახ. განათლებ-ს კომისარი დ. კანდელაკი იყო. თამამად შეგვიძლიან ვთქვათ, რომ მხოლოდ იმ იშვიათმა მთარგრობამ, რომელიც ამხ. ო. კანდელაკმა ჩვენ ექსპედიციას აღმოუჩინა, შესაძლებელი გახდა ჩვენი ოცნების სისრულეში მოყვანა. მის

1 ს. მ. უ. ს. — სახალხო მეურნეობის უმაღლესი საბჭოს აბრევიატურაა.



გიორგი ნიკოლაძე ერთნაირი ტანსაცმელში





ესპედოსის მონაწილენი მწვერულისა დაბრუნებულს შემდეგ ზოგნი თოვლი (კოპხილიან ქარვასხი) — ასეთი ნიჟარები, ზოგნი ხეობაზე, მათი გეოგრაფიული ვახსი უკვე აღნიშნულია. მხილი მათი მონაწილენი აქ აღნიშნულია; მათი რაობა — ემსხვილია და მათი მონაწილენი. მათი მონაწილენი, კორა არიანხიანი, მათი მონაწილენი. სამალი კილასი, მხილი ქარვასიანი



զորան Եղիշատի

დაუხმარებლივ ჩვენ მყინვარ-წვერზე ვერ გავემგზავრებოდით.

მიუხედავად ყოველგვარი დახმარებისა, აუარებელი სარბენი და საზრუნველი მაინც გვაწვებოდა თავზე. ზაფხული მიწურული იყო და აჩქარება გვმართებდა. თავ-გადაგლეჯილები დავრბოდით სხვა-და-სხვა დაწესებულებებში. ქარსნებში, მალაზიებში. ერთ დღეს განგებ ბიჭზომი (ფეხით გაღლილი მანძილის მზომავი) გაიკეთე ქაპარზე: იმან მიჩვენა, რომ ამგვარ რბენაში, დილის 9-საათიდან 3-საათამდე, 27 კილომეტრი გამევილო.

ყოველი წერილმანი გეკონდა გათვალისწინებული: ზოგი მასალები ტფილისში არ იშოვებოდა, რა ჩვენ ჩვენივე ნახაზებით გავაკეთებინეთ. მაგალითად, არსენალში დაგვიმზადდეს ყინულის სატეხი ალბიური წერაქვები (წერაყინი), ალბიური ჯონები, ვიშოვეთ ორი დიდი კარავი. ასეღის დროს ერთმანეთზე გადასაბმელი გრძელი თოკები (თითო 20 მეტრის სიგრძისა); ყველამ თავისთვის იშოვა ნაცნობებში თბილი ტანსაცმელი, რომელიც დაახლოვებით შემდეგი უქდა ყოფილიყო: თბილი ქსოვილი (ფუფთაიკა) და რყაის „კურტკა“, მატყლის შარვალი, თბილი პაიჭები, თავზე — მოქსოვილი თბილი ჩაფხუტი, თბილი ხელთათმანები და ნაბადი. ეს ყოველფერი იმთენად თბილი უნდა ყოფილიყო, რომ თით ყინვაში გამომთგარიყო. გარდა თბილი ტანისამოსისა. შევიძინეთ ბნელი სათვალეები და განსაკუთრებული ყურადღება ფეხსაცმელს მივაქციეთ. ამისთვის

მოვეძებნეთ მცოდნე პირი, რომელმაც გვასწავლა მთიულური ფეხსაცმელის კერვა. ეს ფეხსაცმელები, სახელათ ბანდულები, ძალიან მოქნილ და მსუბუქ ქულას წარმოადგენს, რომელსაც, ძირის მაგიერ, დაბანდული თასმა აქვს; შიგნით თივა იფინება. ფეხი შიგ რბილათ და თბილათ არის. მთებზე და თოვლზე სიარულის დროს ფეხი არ ცურავს, რადგან თასმები უშლიან ამას. ეს ჩვენ უწინაც გაგვეგონა, მაგრამ ბანდულის შეკერვა არ ვიცოდით. რაკი ესეც ვისწავლეთ, შევიძინეთ ტყავი. და ერთმა ჩვენთაგანმა, რომელიც წულის კერვაში დახელოვნებული იყო, იკისრა ბანდულების დამზადება. მაგრამ ბანდულის დაბანდვა ჩვენთვის შემცდარათ ესწავლებინათ და ამან შემდეგში საკმაოდ გაგვაწვალა. სურსათიც განსაკუთრებული დავამზადეთ, რომელიც შაღალ მთაში და სიცივეში გამოსადეგია: ქონი, კონსერვები, კაკაო, შოკოლადი, შაქარი, დაყურსული რძე, ყავა და ტკბილი ნახში (სუხარი).

ბოლოს, როცა ეს ყველაფერი მზად გვქონდა, ავტომობილის შოვნა იმდენად გაგვიძნელდა, რომ ამის გამო კინალამ დაერჩით. მაგრამ ბოლოს ო. კ. ა.-ს¹ დახმარებით ვიშოვეთ სატვირთო ავტომობელი (ტვირთმატარი). ჩემ ბინაზე საწყობი მოვაწყეთ და ყველაფერს იქ მოუყარეთ თავი; არ დავვიწყებია აგრეთვე ავტომობილის ძველი საღებები, რომლებიც შემდეგ კარაქზე გადახეცვალეთ ფასანაურში.

¹ ო. კ. ა. — Отдельная Кавказская Армия: ს. რევიატურა.

ამათგან მხოლოდ 19 უფროსი აპირებდა მყინ-
ვარ-წვერზე ასვლას, დანარჩენები კი მხოლოდ,
ეგრედ წოდებულ, „ერმოლოვის ქოხამდე“ (რო-
მელსაც ქართულად „შევარდენის ბუდეც“ ეძახიან)
მიემგზავრებოდენ. მაგრამ მომზადება ყველას
სჭირდებოდა. ვინაიდან „შევარდენის ბუდეც“
3620 მეტრის სიმაღლეზეა, ე. ი. პუდმივი თოვ-
ლის ხაზზეა, და სიცივე აქაც მოსალოდნელი იყო.

ვინაიდან ჩვენ შორის უმეტესობა სრულწლო-
ვანი არ იყო და ვინაიდან ჩვენებს თოვლიან მთა-
ში ჯერ არ ევლოთ, ამიტომ მე ისინი წინდაწინ
შეეყარე და დაწვრილებით ყველა მოსალოდნელი
შემთხვევები გაუთვალისწინე. მე მათ აუხსენი,
რომ ასეთ სახიფათო გაფრენზე ამდენი ხალხის
ერთად წასვლა მეტად ძნელია და ამიტომ საჭი-
როა ძლიერ მკაცრი წესმორჩილება, თორემ შე-
საძლებელია, რომ ვინმე დაიღუპოს კიდეც. გა-
ვაფრთხილე კიდეც, რომ რადგან „შევარდენის
ბუდემდე“ სანოვავის ატანა ძნელია ჩვენ იქ მხო-
ლოდ მინიმუმს წავიღებთ და შესაძლებელია და-
რი ხელსაყრელი არ დაგვიდგეს, ცდა დაგვიკირდეს
და შიმშილის ატანა მოგვიხდეს. ამისთვის და კი-
დეც სხვა მოულოდნელ შემთხვევისათვის მზად
უნდა ვიყოთ: ჩვენი მთავარი მიზანი ყოველთვის
თვალწინ უნდა გვედგას და ყოველ გასაჭირში
გამხსნელებდეს. გარდა ამისა, მე მიემართე იმათ,
ვინც მხოლოდ შევარდენის ბუდემდე მიემგზავრე-
ბოდა, რომ მათ მთავარ დანიშნულებას, მწვერ-
ვალზედ ამსვლელთა დახმარება წარმოადგენს,

რომ ამიტომ მუშაობა და მოთმენა უმეტესად მათ დააწვებათ. ყველა გულმოდგინეთ მისმენდა და ეტყობოდათ, რომ ერთი სურვილი ალაფრთოვანებდა ყველას. ამავე კრებაზე დარიგდა მომზადებული მოწყობილობა.

მარიამობისთვის 21-ს¹ საღამოს ყველამ ჩემთან მოზიდა თავისი ბარგი. ყველაფერი ჩემს მიერ გასინჯული იყო, რადგან ვიცოდი, რომ ნოუნზადებლობამ არა ერთი ექსპედიცია ჩაფუშა. მართალია, ქართველები მივემგზავრებოდით, მაგრამ ასეთ საქმისათვის ევროპიული წინდახედულობა გვესაჭიროებოდა. მე არ მიმყავდა არც ერთი ისეთი, ვინც საჭირო თბილ ტანსაცმელს ვერ შოულობდა. განსაკუთრებულ ყურადღებას ფიზიკურ გაწვრთნილობას ვაქცევდი. ამ მხრივ საქმე კარგად იყო: მოდიოდნენ საუკეთესონი, როგორც ტანთვარჯიშობაში, ისე სიარულშიაც.

მთელ ჩვენ გაფრენში წლოვანობით „უფროსი“ მსოლოდ 4 ან 5 იყო. მით მეტი სიფრთხილე გვჭირდებოდა, ვინაიდან მთელი პასუხისმგებლობა ჩვენ გვაწვებოდა. მიუხედავად ამისა, მე გავაფრთხილე ყველანი, რომ, თუმცა ჩვენს მიერ სიფრთხილის ყოველი ზომა მიღებული იქნება, მაგრამ პასუხისმგებლობა ასეთს სახიფათო საქმეში ყოველად შეუძლებელია. შემდეგ გახაწილებული იყო თანამდებობანი: სანდრო კილაძეს—აფთიაქის გამგეობა ერგო და კომერციული მხარეც; ვახიჩ-

კა კუკავაძეს — წესმორჩილების ზედამხედველობა; შაქრო მამამთავარიშვილს — ბარგის ზედამხედველობა. დანიშნულ იქმნა კარაუების დამდგმელი და მომხსნელი კომისია. უფროს დებს სურსათის დარიგება ზედა წილათ და სხვა.

2. ტვირთისა და სხვა-ფინანსური.

22 აგვისტოს, დღის 6 საათზე, უკვე ყველა თავმოყრილი ვიყავით და ტვირთმატარს უცდიდით. ტვირთმატარი კი იგვიანებდა. შოვიდა სოსო ასლანიშვილი¹, რომელიც დიდებულის² სამეცნიერო ექსპედიციაში (ე. ი. ობსერვატორიის) დებულობდა მონაწილეობას. ეს ექსპედიცია ჩვენ შემდეგ უნდა წამოსულიყო; მას მძიმე სამეცნიერო იარაღი მოჰქონდა თან; ჩვენი გაფრენი ამ ექსპედიციის წინამორბედი უნდა ყოფილიყო, ე. ი. მისთვის გზა უნდა გაეგნო. სოსო ჩვენი უწინდელი გაფრენების აუცალბებელი მონაწილე იყო და ეხლა გული სწყდებოდა, რომ ჩვენთან ერთად ვერ მოდიოდა. ჩვენი მოგაფრენეები ტვირთმატარის მოლოდინში დაგის ძალების შინჯვას შეუდგნენ. ქუჩის აივნების შორის მესამე სართულის სიმაღ-

¹ იოსებ ანტონის ძე ასლანიშვილი (1891—1955) — ცნობილი ქართველი ექიმი-ენდოკრინოლოგი და მთამსვლელი.

² ალექსანდრე იოსების ძე დიდებულის ძე (1892—1952) — ცნობილი ქართველი მეცნიერი, ელექტროტექნიკის პროფესორი, რომლის ხელმძღვანელობითაც იმავე, 1923 წ. თბილისის გეოფიზიკური ობსერვატორიის ექსპედიციის შეიქმნა და იგივე მკვლევარწევრში.

ლუზე თოკები გააბეს და ჰაერში ხელებით დაკიდულეები გადი-გამოდიოდნენ. ღრც დები ჩამოუვარდებოდნენ ამგვარ ვარჯიშში ძძებს. ქუჩაში ხალხი მოგროვდა და გაკვირვებული შეჰყურებდა ამ სანახაობას. „ესენი მყინვარ-წვერზე კი არა, სადღაც გინდა იქ ავლენო“, — ამბობდნენ.

პირველი საათი იყო, როდესაც ტვირთმატარის მოსვლას ევლირსეთ. უზარმაზარი ტვირთმატარი „3 ტონიანი“ იყო, მაგრამ ჩვენც ბევრნი ვიყავით და ბარგიც აუარებელი გვექონდა. შაქროს მეთაურობით ბარგი დატვირთული იყო. ჩვენც, როგორც იყო, მოვთავსდით შიგ და ორ საათზე დავიძარით. ტვირთმატარი სიმძიმისაგან ძალიან ხმაურობდა; ჩვენ ვეხმარებოდით და ამ ქვილ-ხვილით და სიმღერით გავუდექით გზას. რუსთაველის პროსპექტზე ხალხი განცვიფრებით გვიყურებდა; ჩვენ კი ვფიქრობდით: „თქვე საცოდავებო, რა იცით, თუ სად მივდივართ“. ამ დროს გაშოჩნდა პროფ. დიდებულნიძე. ავტეხეთ საშინელი ყვირილი. იგი ჯერ ვერ მიხვდა, შემდეგ გაიღიმა, თითქოს ჩვენი გატაცება მასაც გადაედო, ქუდი მოიგლიჯა და ალტაცებით მოგვესალმა.

გავედით ქალაქ გარეთ, გზაში ქარი ამოვარდა. ტვირთმატარში ძალიან მკვიდროთ ვისხედით და საშინლათ ვიბეჟებოდით. ბინდისას მივალწიეთ დუშეთს. ბინათ აღმასკომის აივანი მიგვიჩინეს. დუშეთის დათვალიერებას შეუდექით, ვკითხეთ ერთ მცხოვრებს, თუ ცენტრი სად არის. მან სა-

ოცარი სისწრაფით გვიპასუხა: „ცენტრიც, ბოლოც და თავიც ეს არისო“.

ღამე, როგორც იყო, გაქათენეთ და დილით აღრე ავდექით. ძალიან ციოდა. ქარიც გვარიანად უბერავდა. ზოგმა იქვე, ქალაქის ბალის აუზში გასათობბათ ზე-ტანი ცივი წყლით დაიბანა. აღსანიშნავია ერთი „უბედური“ და სასაცილო შემთხვევა: ასმათ ნიკოლაიშვილი, რომელიც პირს იბანდა იმავე აუზში, როგორღაც შიგ ჩავარდა. აუზი ერთი საუბი სიღრმისა იყო, ძაგრამ ასმათმა მოასწრო და გადებულ ფიცარზე ჩამოეკიდა, ამიტომ მხოლოდ წელამდე დასველდა.

იმავე დილას, გამგზავრების წიხ, შოფერმა გავგაფრთხილა: რაც უნდა მოხდეს არ შეგეშინდეთ, რადგან ცუდი გზაო. მართლაც, ერთ-ერთ შესახვევზე კოწია გიორგობიანი ჩამოვარდა. გული წაუვიდა, მაგრამ მალე გონს მოვიდა და ეს ჩამოვარდნა არაფრად მიიჩნია.

მიუხედავად იმისა, რომ ქარი ჰქროდა და ძალიან ციოდა, მშვენიერი დარი იყო; ცაზე ერთი ღრუბელიც არ ჩანდა. ფასანაურში მივედით. იქ ერთი საათი გავჩერდით. ციოდა, არაგვზე საბანოდ წავედით. წყალი ყინულივით ცივი იყო, მაგრამ სასიამოვნო. ამასთან ბანაობის დროს დიდი სიფრთხილე იყო საჭირო, რომ არაგვის მკაცრ და სწრაფ ტალღებს ქვევით არ გავეტაცნეთ. „მე არ მიბანაენია“, — სწერს თავის დღიურში მარო ბეჟანიშვილი: „მე და ლიტუსი ჩხეიძე გაყევით არაგვს, გადავედით ხიდზე, მივედით იმ ალაგს, სა-

დაც შავი და თეთრი არაგვი ერთმანეთს ერთვი-
ან. ძალიან ლამაზი სანახავია ეს ადგილი. ძარჯენი-
დან ზოგრიალებს თეთრი არაგვი, ხოლო მარცხნი-
დან — შავი; ამ უკანასკნელის მდებარეობა უფრო
დაქანებულია, ამიტომ იგი უფრო მეტი სისწრა-
ფით მოექანება, ვიდრე თეთრი. თახ მოაქვს ქვიშა
და ლამი, რის გამოც შავი ფერი ეძლევა. შეერ-
თების შემდეგ კიდევ რაწოდენიძე საჟენი ც-ლ-
ცალკე მიგრიალებენ. აღარ მინდოდა ამ ადგილი-
დან წასვლა“.

უასანაურში მთიულები ძალიან აფასებენ მი-
ვალის (ავტომობილის) ძველ სალტეებს, რისგა-
ნაც ქალამსებს იკერავენ. ჩვენც ორი სალტე 18
გირვანქა კარაქზე გადავცვალეთ, ტვირთმატარში
ჩავსხედით და გზას გაუდექით.

აღმართის დროს ხშირად ჩამოვდიოდით და
ტვირთმატარს ფეხით მივსდევდით. ძღეთის ხი-
დიდან გუდაურამდე ზოგნი მოკლე გზით ფეხით
აწვდიან და ტვირთმატარს ერთი საათით გაუსწა-
რიან. სოფ. კაიშაურთან მაღალ სერზე სდგას შე-
სანიშნავი სილამაზის ციხე. მისი სახელი ვკითხეთ
ერთ კაიშაურელს, რომელიც იქვე თივას თიბავდა.
იმან ჯერ ვერ გაიგო ჩვენი ქართული გამოთქმა,
მერე კი გვიპასუხა უცნაური მთიულური კილო-
თი, რომ ამ ციხეს ცეცხლის ჯვარი ჰქვია.

ჯვრის გადასავალზე ძალიან ციოდა, მთები
ნისლში გაეხვიენ, აწვიმდა კიდევ. ჩვენ თანდა-
თან თბილათ ვიცვამდით. ბოლოს კობისაკენ ისე
აცივდა რომ აგვაკანკალა. ჩვენ გვეცინებოდა და

თან ვშიშობდით, აქ თუ ასეა, „იქ“ რაღა მოგვივა. დაიწყო დაღმართი და ჩვენ სწრაფად დავექახდით. წვიმამ უშატა. ყინვა დაიწყო; ტახსაცმელზე წვიმის წვეთები იყინებოდა. ყველამ ნაბლები წავიხურეთ. ერთ ხიდზე ტვირთმატარი შევაჩერეთ და, მიუხედავად სიცივისა, გავიქეციით მადნეულ წყალზე მყავე წყლის დასაღევათ. დიდხახს აღარ გავჩერდით, რადგან ბნელდებოდა. საღამოს 9 საათზე სოფელ სტეფან-წმინდაში (სადგური ყაზბეგი) ჩავედით; ოტელ პარიზი ბინათ მიგვიჩინეს. საჩქაროთ ჩამოვხტით და თბილ დარბაზში შევედით. გაყინულებს სითბო ძალიან გვიამა. ამოვზიდეთ ბარგი და ვახშმის მზადებას შევეუდექით. ზოგმა ვახშმის მოლოდინში ტკბილ ძილს მისცა თავი, ზოგი კი გულმოდგინეთ შეჰყურებდა პრიმუსებს და სპირტის სათბურებს, რომლებზედაც ვახშამი მზადდებოდა.

8. სტეფან-წმინდა. შინოს-წვერში ასვლა.

მე და ვანიჩკა დილით რიურაჟზე ავდექით, რადგან ამინდი გვალეღვებდა; გამოვედით კარში, ძალიან ციოდა, ცა მოწმენდილიყო, რასაც არ მოველოდით. მხოლოდ ნისლს მთები სულ დაეფარა. მაგრამ ეს ნისლი თანდათან იფახტებოდა. მივედით ალექსანდრე ყაზბეგის ძეგლთან და იქედან მყინვარწვერს გავხედეთ. ნისლის გარდა, ჭერ ვერაფერს ვხედავდით, მაგრამ უცბათ და სრუ-

ლიათ მოულოდნელად იმ თხელ ნისლის უკან წითლად შეღებილი მ.ყინვარ-წვერის სახე გამოიხატა. გამჭირვალე ნისლის ფარდის უკან მყინვარწვერის მოულოდნელი გამოჩენა, ჩვენთვის ჯერ აუხსნელი რამე იყო და რაღაც სასწაულს მიგავდა. მერე კი მივხვდით, რომ ეს აუწყობელი სილამაზის მოვლენა უბრალო კოსმოგრაფიული ხასიათის მოვლენა იყო: ჩვენ მყინვარწვერს ქვევიდან შევყურებდით; ჩვენსა და მწვერვალის შორის, მხოლოდ დაბლა და ჩვენსკენ უფრო ახლო, თხელი ღრუბელი მოთავსებულიყო. თვით მყინვარწვერი კი იმ ღრუბელზე ბევრად მაღლა, მოწმენდილ ცაზე ყოფილიყო. როდესაც ამომავალ მზის სხივებმა თავდაპირველად მყინვარწვერი წითლად გაანათეს, მისი ბრწყინვალება თხელ ღრუბელმა ველარ დაჰფარა და ის მთელი თავისი სიდიადით, სასწაულებრივ ჩვენს თვალწინ წარმოსდგა:

ვანიჩკა გაიქცა ჩვენების დასაძახებლად, რომელნიც, ზოგი საბანში, ზოგი ნაბადში და ზოგიც ფეხშიშველა მოცკივდნენ. ამასობაში ნისლი თანდათან გაიფანტა და ამომავალ მზის სხივებისაგან წითლად აქათქათებული მყინვარწვერი თავს წამოგვადგა. გეგონებოდა, რომ ის სულ ახლოს, აქვე არის. მზის შუქი თანდათან მეტ არემარეს ეფონებოდა და მყინვარწვერი თავის ფერს თანდათან ჰკარგავდა. მზემ მალე სტეფანწმინდაც გააშუქა.

ჩვენ დილიდანვე შევუდექით გამყოლების ძებნას, რომელნიც მალე ვიპოვნეთ; ესენი იყვნენ

ადგილობრივი სოფლები: ცნობილი გამყოლი იაგორ კაზალიკაშვილი და განთქმული მონადირე ლევან ქუშაშვილი. იაგორმა გაშინჯა ჩვენი ერთი გოჯის სისქის თოკები, ბანდულები და სიცილი დაიწყო: „აი, როგორ გეტყობათ, რომ მთაში არასოდეს გივლიათ: „მყინვარწვერზე“ ცარიელებიც ვერ ახვალთ და ამისთანა თოკს ვის აიტანსო!“ ბანდულების გულისათვის მთელ სტეფანწმინდამ სასაცილოთ აგვიგდო. „ასეთი ბანდულებით თევზს თუ დაიჭერთო“. მართლაც, ჩვენი ბანდულების ძირი ბადესავით ნასკვებით იყო დაწნული; დაბანდვის წესი კი თურმე სულ სხვა ყოფილა — უნასკვო, რათა სიარულის დროს ფეხი არ დაბუედიყო. საჭირო გახდა ბანდულის ძირის დაშლა და ხელ მეორეთ, იაგორას ზედამხედველობით, გაბანდვა. გარდა ამისა, იაგორამ სთქვა, რომ უწრი-აპოთ ვერ ახვალთო. თითოს თითო წყვილი წრიაპი უნდა ჰქონდესო (წრიაპი — ეს კბილებიანი რკინებია, რომელსაც ყინულზე სიარულის დროს ფეხზე მიიმაგრებენ, რომ ფეხი არ დაცურდეს) ამის გამო იძულებული გახდით ყველახი ორი დღე სტეფან-წმინდაში დავრჩენილიყავით, რომ ყველაფერი მოგვემზადებინა. სტეფან-წმინდა და გერგეთი წრიაპების ძებნაში დავიარეთ; ზოგი მკვედელს შეუკვეთეთ, ზოგი მონხვევებში მოვაგროვეთ და ამ გვარად უმეტესი რიცხვი საჭირო წრიაპებისა შევიძინეთ. სულ სხვადასხვა სახისა: ინგლისური, შვეიცარიული და ადგილობრივი. ჩვენი შეკვეთილი წრიაპები ორი დღე მზადდებოდა

და ჩვენც იმათ მოლოდინში მცირე გაფრენები მოვაწყეთ. ერთი ჯგუფი წმინდა სამების ეკლესიისაკენ გაემგზავრა, რომელიც მყინვარის მხარეს მთა კორტოხზეა ამართული; მეორე ჯგუფი გერგეთის მუჯეე წყაროზე წავიდა. ერთი, ყველაზე უფრო ღონიერი ჯგუფი, შაქროს მეთაურობით შინოს მთის წვერისაკენ (3850 მეტრი) გაემგზავრა. რომელიც სტიფანწმინდის აღმოსაგლეთ მხარეზე ამყად ამართულა და მთელ არე-მარეს დასცქერის. ისინი შეიარაღდნენ ყოველგვარი იარაღებით: წერაყინებით, ჩაქუჩებით, რკინის ჰალოებით, თოკებით, წაიღეს თან თბილი ტანსაცმელი და შეუდგნენ გზას. აქ თავი იჩინა მთასვლაში ჩვენმა გამოუცდელობამ. ზედმეტი ტანსაცმელი და იარაღი იმდენად უძნელებდა მათ სიარულს, რომ ასულის დროს ისინი თანდათან იძსუბუჭებდნენ თავს და ყველაფერს გზაზე სტოვებდნენ. ბოლოს მხოლოდ მსუბუქ ტანსაცმარჯიშო ტანსაცმელში და წერაყინით ხელში განაგრძეს გზა. რაც შეეხება თვით გებს, იქაც მოუფიქრებლობა გამოიჩინეს. იარეს უმოკლესი გზით, მაგრამ ბოლოს ეს უმოკლესი გზა გაუფიქრი გამოდგა, რადგან ისეთ კლდეს მიაღწენენ, რომ მისი მოვლაც და გადავლაც შეუძლებელი იყო. ის კლდე ინგრეოდა და ყველგან ქვიშა სცვიოდა. იქ იმათ ბევრი მინერალები მოიგროვებს და მიზნის მიუღწევლად, უკან დაბრუნდნენ. სტიფანწმინდაში საღამოს საათის 9-ზე მოვიდნენ და გამოაცხადეს, რომ ყოველად შეუძლებელია მყინვარ-წვერზე ასვლა. თუ კი ამ მთის

წვერზე ვერ ავედით. მე უპასუხე, რომ ეს ალბათ ჩვენი გამოუცდლობის შედეგია და მე ამის დასამტკიცებლად თითონ შევეცდები შინოს-წვერზე ასვლას.

იმ საღამოს, სანამ ჩვენები შინოს-წვერიდან დაბრუნდებოდნენ, ჩვენ ვარჯიშობა გავმართეთ. სტეფან-წმინდაში სცხოვრობს ერთი ნიჭიერი ქართველი მოგარჯიშე ბაადურ ყაზბეგი, რომელიც ჩვენ დაგვხვდა, როგორც ნამდვილი ძმა და ყველაფერში გიჟხმარებოდა. მას ეზოში ღერძი ედგა და, აბა ჩვენ მას უსარგებლოდ როგორ გაუშვებდით. აქვე ერთი მოგარჯიშე ბიჭი აღმოჩნდა— ჩვენი „ძმა“, ლევან პროკოფაშვილის მოწაფე. სხვები შურის თვალით შესცქეროდნენ, რომ იმდენად დაშორებულებმა ჩვენ ის „ძმათ“ ვიცანით: აქვე გაიგეთ, რომ გველეთში (8 კილომეტრის მანძილზეა სტეფან-წმინდიდან) ბავშვების ექსკურსიას ჩამოჰყოლია ცნობილი მთავლეელი პრეობრაჟენსკის ჩალო. მაშინვე დავაგაღეთ ვანიჩკა კუკუაძეს, რომ მეორე დღეს ტვირთმატარით წასულიყო გველეთში და პრეობრაჟენსკისთვის ყველა პრაქტიკული ცნობები ეკითხა.

მეორე დღეს მე წინდაწინვე ცეისის შორსათვალთ (ბინოკლი) შინოს-წვერზე ასასვლელი გეზი ავარჩიე (ინაიდან სტეფან-წმინდიდან მთელი გზა სჩანს) და ზოგიერთი ჩვენგანი გაუდგა გზას. ჩვენთან ერთად წამოვიდა ის ხუთი და, რომელთაც მყინვარ-წვერზე ასვლა განეზრახათ.

ჩვენ მიერ არჩეული გზა ბალახიან ფერდობ-

ზედ მიდიოდა, რომლის დახრილობა, დაახლოვე-
ბით ერთნაირი იყო და, თითქმის, 60' მენაკს უდ-
რიდა თანახმად მაღალ მთებზედ ასვლის თეორი-
ისა, თავიდანვე ნელის ნაბიჯით დავიწყეთ ასვლა
და ასე, ნელი სიარულით, მწვერვალამდის ავედით.

მარო ბეჟანიშვილი სწერს თავის დღიურში:

„შუი გზამდის თითქმის ერთად ვიარეთ. მერე
ზოგი წინ წავიდა. სამნი: მე, ელიკო ლორთქიფა-
ნიძე და გოგი ტოროშელიძე უკან დავრჩით. შემ-
დეგ კი ელიკომაც წინ გაგვისწრო. გოგი სიარულს
არ ჩქარობდა. დასვენების დროს ცდილობდა რაც
შეიძლება მეტი დრო დარჩენილიყო. დავიხახე
თუ არა, რომ გოგი ძალიან ზანტობდა, დაჯანებე
თავი რა მარტო წაივდი წინ; წინ წასულები აღარ
სჩანდნენ. ალბათ, ისინი უკვე წვერზე იყვნენ. და-
სვენება მალ-მალ მიხდებოდა, რადგან, ცოტა მან-
ძილის გაჟლის შემდეგ, გული საშინლად მიცემდა.
ყოველ დასვენების შემდეგ ძაღ-ლონე მემარტებო-
რა ისევ წინ მივდიოდი. აი, გამოილია ბალახოვა-
ნი გზა და ეხლა დაიწყო კლდეები, სიარული იქ
უთრო გამიძნელდა. თესსაცმელი თითქმის სკოლ
დაძეხა: თანაც საშინლად მწყუროდა, მაგრამ მა-
ინც წინ მივდიოდი იმ იმედით, რომ მალე მწვერ-
ვალზე ავიდოდი. მალ-მალე უკან ვიყურებოდი.
გოგის ეუძახოდი. იგი კი პირ-აღმა დაწოლილი-
ყო რა პასუხსაც არ მაძლევდა. საშინლად მათი-
ჩრებდა მისი მდგომარეობა. ვაი თუ იქნდათ არის.
ან გული წაუვიდა, და, ან, აბა, ვინ უშველის იქო.

¹ გიორგი ნიკოლაძის ტერმინოლოგიით 60 გრადუსს.

დაბრუნებას ვაპირებდი, მაგრამ, ან მე რაღას ვუ-
შველიდი. მაგრამ, ჩემდა საბედნიეროთ, გოგი წა-
მოდგა და ზანტათ მიიზღაზნებოდა. ის. მალ-მა-
ლე ჩერდებოდა გულ-აღმა გაიშხლართებოდა და
რამდენიმე ხნის შემდეგ ისე განაგრძობდა გზას.

კლდეებზე ფეხები სულ დამებეგვა; წყურვილ-
მაც ძალიან შემაწუხა. კლდეებში წყაროს ვეძებ-
დი. ერთი კლდის ძირში რაღაც თეთრი დავინახე.
მივიღე და თოვლი გამოდგა, ამან ძალიან გამა-
კვირვა რადგან თოვლი არსად არ იყო და აქ, ეს
პატარა თოვლის ნაგლეჯი, საიდან გაჩნდა თქო,
სასწაულად მივიღე; მოვსულიერდი: მათარა გა-
ვამსე, რადგან ვიცოდი, რომ ჩვენებიც ჩემ დღე-
ში იქნებოდნენ, და გახარებული ისევ გზას გავუ-
ღეჭი. აი მწვერვალსაც მივუახლოვდი, ზევით ასუ-
ლებმა წემამჩნიეს და იქიდან ყვირილით მახალი-
სებდნენ“.

მართლაც, ჩვენ მაროს ზევიდან დავყურებდით
თა მალ-მალე ძახილით ვამხნეებდით. მალე ისიც
ჩვენ გვერდში გაჩნდა.

აქ საჭირო არის აღვნიშნოთ, რომ ის მშენი-
ერი სანახაობა, რომელიც სოფელ სტეფან-წმინ-
დიდან მყინვარ-წვერისაკენ იხატება, ჩვენი შინო-
ზე ასვლის დროს, თანდათან იცვლებოდა: შედა-
რებით უფრო ახლო მდებარე მთები (მაგალითად,
წმინდა-სამების ეკლესიის), ქვევით რჩებოდნენ,
ხოლო თვით მყინვარ-წვერი მალლა-მალლა იწვე-
და, და ბოლოს, აქ, მწვერვალზე რომ ამოვედით,
მხოლოდ მაშინ ვიგრძენით სრულად, მყინვარის

ბუმბერაზი სილიადე. მხოლოდ აქედან დავინახეთ, თუ რა დიდი განსხვავება იყო მასა და სხვა მთებს შორის. სტეფან-წმინდიდან იგი თითქმის დანარჩენ მთების სიმაღლეზეა; შინოს-წვერიდან კი სხვა მთები, მყინვართან შედარებით, მის უმცროს ძმებით გამოიყურებიან. მყინვარწვერი კი მედიდურად ამართული, მუდმივი თოვლით და მზის სხივებით გაბრწყინებული, შორს მალა, მალა ცის კიდეურს უერთდება.

მისი აღმოსაგლეთის ყინვარები და, მათ შორის ჩხარის უშველებელი ყინვარი თვალ წინ გადაგვეშალა. მყინვარ-წვერის მარცხნივ ძნელად მისაღწევი მთა ორწვერია და იქ კი, ორი კილომეტრის სიღრმეში და ხუთი კილომეტრის მანძილზე, სტეფან-წმინდა ჩანს, რომლის ახლოს თერგი მიიკლაკნება. თერგის მრისხანე ხმა აქაც ცხადათ გვესმის. ცეისის შორსათვალთ ვხედავთ „ოტელ პარიზის“ წინ მდგომ ჩვენებს, რომელნიც ალბათ ჩვენსკენ იყურებიან. საერთოთ ის სურათი, რომელიც შინოს-წვერიდან დასაგლეთის მიმართულებით იშლება, აუწერელი სილამაზისაა. იმის ბადალი. ალბათ, ბერი არ მოიპოვება მსოფლიოში: უზარმაზარი მთა მყინვარი მთლად მოსჩანს, ე. ი. სტეფან-წმინდიდან, ვიდრე მწვერვალამდე. აგრეთვე არ მოიპოვება სხვა ადგილი, საიდანაც მყინვარი ასე მშვენივრად ჩანდეს: აქედან მეტად, ვიდრე სხვაგან საიდანმე, ადამიანი გრძნობს მის საშინელ სილიადეს. თუ სტეფან-წმინდიდან მყინ-

ვარ-წვერი სულ ახლოს გვეჩვენებოდა, ახლა ჩვენს
თვალ წინ ის

„მოუწლომელი შუქი მაღალი
ოდგა ვით შეფე ასარგადონი
და მთების გარშემ აყალ-მაყალი,
შავი შონები — თეთრი ბატონი“.

(მიქელ პატარძე)

ჩვენ ისევ ეპქო შეგვეპარა, ნუთუ იქ ასვლას
შევსძლებთ?

ჰაერის სითხელეს აშკარად ვგრძნობდით. ყო-
ველივე მოძრაობა, გინდ მცირეოდენიც, აჩქარე-
ბულ გულის ცემას და ქშენას იწვევდა. მზე ძა-
ლიან გვწვავდა. ყველას ძილი მოგვევრია და ერთ
საათამდე ვთვლემდით.

„მეც წამოვწევი“, — სწერს იგივე მარო ბეჟა-
ნიშვილი: „და კიდევ დამეძინა. მალე წამოვიშა-
ლენით. გოგი ჯერაც არ მოსულიყო. მე გავიქეცი
ერთ ფრიალო კლდეზე, უფსკრულის თავზე დაე-
ჯექი და დავიწყე ქვეით ცქერა. ჩემს გარშემო დუ-
მილია; მხოლოდ ხანდისხანს ყურს აღწევს მრის-
ხანე თერგის ხმა, ან კიდევ მეზობელ „ყუროს-წვე-
რიდან“ წამოსულ ზევეების საზარელი ხრიალი.
აგერ ეხლა ნისლი წამოვიდა და დაჰფარა ელიკო,
ლიტუსი, გიორგი, მარო ტყავაძე. სრულიად მარ-
ტო ვარ. არავითარი ხმაურობა, არც ერთი სული-
ერი არ არის, ჩემს გარდა. მე, თითქოს, მეფე ვარ
ამ მღუმარებისა. ერთი დაყვირებით შემიძლია
დავარღვიო ეს სიჩუმე, გამოვატოცხო მკვდარი
ბუნება. ჩვენები ისევ ბურუსში არიან გახვეული.

ა-უ-უ-უ: ვუყვარი მათ. ჩემი ხმა რამდენჯერმე მეორდება და იქიდანაც მესმის პასუხი. ვაგორებ დიდ ქვებს, რომლებიც ხრიალით მიგორავენ შორს, უფსკრულისაკენ. რა საშინელებაა აქედან დაგორება, კვდარსაც კი ველარ გიპოვნეიან. ქვეით, შორს, უფსკრულის მარჯვნივ კლდოვან ფერდობზე რაღაც მოძრაობს; ის ნელ-ნელა მალლა ამოდის. ეხლა კი გავარჩიე: ეს გოგია. თუმცა ძალიან ზანტად, მაგრამ მაინც მოდის: მალ-მალ ჩერდება: ისვენებს, კლდეებს გარშემო უელის, ზოგან ოთხით მოფოფხაჟს, წერაყინით საფეხურებს იკეთებს. იმას გზა არევია და პირდაპირ კლდეებზე მოდის. ბურუსმა გადაიარა. ჩვენებიც გამოჩნდნენ: ცა ისევ მოკრიალდა და მყინვარ-წვერიც გამოჩნდა. ჩვენებმაც შეამჩნიეს გოგი. ზევიდან უყვირიან, ამხნევენ: „ყოჩაღ გოგი, ყოჩაღ, ცოტა კიდევ და ამოხვალ“. ცოტა ხნის შემდეგ ისიც მწვერვალზეა“.

სანამ მარო კლდეზე იჯდა, ჩვენ ვმუშაობდით: კედელივით შვეულ კლდეზე თან მოტანილ მწვანე საღებავით მრავალი წარწერა გავაკეთეთ. დიდი ფოტოგრაფიული აპარატით (15 გირვანქა წონით), რომელიც მე ამოვიტანე; მყინვარ-წვერის სურათი გადავიღეთ. ამ გათხელებულ ჰაერში ამგვარ „მუშაობამ“ ისე დაგვეღალა, რომ ისევ წამოწოლა და გვჭირდა: ჭერ სიმაღლის შეუჩვენებელი ვიყავით. ცოტა ხანს კიდევ ვიწექით, შემდეგ სრულიად დასვენებულები ავდექით, თუმცა მაჯა რომ გავიშინჩეთ, ყველას 100-120 გვექონდა, გარდა მარო ტყა-

ვაძისა, რომელსაც მიუხედავად იმისა, რომ ოცი წუთით ჩვენზე ადრე ავიდა, მაჯა 80-ს არ აღემატებოდა. ამასთან რაღაც არაჩვეულებრივ სიმბი-არულეს ვგრძნობდით და ბტუნვით და სიძღვრით შინოს მეორე მხარეს გავსწიეთ. იქაც მშვენიერი გადასახედი ყოფილა. ნიხლში უეცრად. თოვლიანი და ყინვარებიანი ჟზარმაზარი მთა შანი (4150 მეტრი) გამოჩნდა.

საერთოდ, იქაური ბუნება ძლიერ ველური და მიუვალა ხასიათის ყოფილა. სჩანს, ადამიანი იქ იშვიათი სტუმარია. სამაგეროთ, ჯიხვის კვალები ბლომად ვნახეთ. იქვე ქარწიბის დამანები (ანუ მთის ბროლის კრისტალები) აეკრიფეთ. აი. ჩვენს გარშემო ღრუბელი იბადება და, შებდევ, ჰაერის სივრცისაკენ მიისწრაფება. აქ ჩვენ იშვიათი მოვლენის მოწმეებმე გავხდით. ჩვენი ჩრდილი, ცისპარტყელის შარავანდელით მოცული, მახლობელ ღრუბელზე დაიხატა. ყოველი ჩვენგანი მხოლოდ თავის ჩრდილს ხედავდა და დანარჩენებისას კი ვერა. ეს ეგრე წოდებული „ბროკენის მოვლენა“ იყო.

მზემ გადიხარა. ჩვენ უკან ვბრუნდებით და, ჩამოსვლის დროს, ბურუსში შევდივართ. აღარაფერი სჩანს; ჩამოდენიმე ნაბიჯის მანძილზე ერთმანეთს ველარ ვხედავთ. მივდივართ ერთ რიგად ისეთ მანძილზე, რომ ყოველი შუა თავის წინ და თავის უკან მხოლოდ ერთ კაცს ხედავს. და, როგორც კი ვკარგავთ ერთმანეთს მხედველობიდან, ხმას ვაწვდით. ასე დიდხანს მივდივართ გაურკვე-

ველ გეზით. ბურუსი იმდენად სქელია, რომ ჩვენ დაღამებული გვგონია. ვაი თუ გზა დაგვებნეს, რომელიმე კლდეს თავზე წავადგეთ და ველარ ჩამოვიდეთ. მაგრამ, ბოლოს ბურუსს გავახწიეთ — მის დაბლა ჩამოვედით. ბრწყინავს ჩამავალი მზე, თვალწინ ისევ ის წარმტაცი სურათია. ჩემი ჰაერწნევაში (ანეროიდი) მაჩვენებს, რომ ჩასასვლელ გზის ორი მესამედი კიდევ წიხა გვაქვს. ვჩქარობთ, მაგრამ გზაში მაინც გვიღამდება, სიბხელეში კი სიარული ძნელია. ამ ბალახიან დიდ დაღმართზე აჩქარებულები პირდაპირ ცურვით მივდივართ. გოგი ტოროშელიძეს შარვალი მთლად გაუცვდა, იძულებული გახდა ხალათი შარვლის მაგივრად ჩაეცვა და ფეხები სიხელოებში გაეყარა. წერაყინები მთელი გზის განმავლობაში ძალიან გვეხმარებოდნენ. უწერაყინოდ ასვლაც და ჩამოსვლაც დიდად გაგვიძნელდებოდა. ქვევით დარჩენილი ჩვენი ძმები და დები ჩვენ საძებნელად წამოსულიყვნენ. ქვევიდანვე ელნათურით გზის გეზს გვანიშნებდნენ. შემდეგ, აღმართის ერთ მესამედზე დაგვხვდნენ ცირები: ვერა, სალომე, თამარა და მათთან ატოც; ქვევით კი, მთის ძირას, ყველა დანარჩენები. თურმე ისინი ჩვენ დაგვიახებას შეუშინებია. ვიდაც სოფლელს უთქვამს, რომ ჩვენი ერთ-ერთი ქალთაგანი კლდეზე გადაჩეხილაო. სალამოს 9¹/₃ საათი იყო, როცა მთელი ღლის უქმელები ბინაზე დავბრუნდით.

სანამ ჩვენ შინოს-წვერზე ვიყავით, არც სხვები ჰკარგავდნენ ღროს: ვანიჩკა გველეთში წასუ-

ლიყო, სანდრო კილადე წრიაპებზე ზრუნავდა და მზიდველებს ეძებდა; დანარჩენები არე-მარეს ეცნობოდნენ. თავის დღიურში ატო აღნიაშვილი ასე აღწერს იმ დღეს:

„25 მარიაშობისთვის ხუთი უფროსი „და“ და „ძმები“: გიორგი, პავლე რომანკევიჩი და გოგი ტოროშელიძე შინოს-წვერისაკენ წავიდნენ. ისინი, ვინც წინა დღეს იქ ვერ ავიდნენ, დასცილდნენ და ამბობდნენ, რომ მთის ძირამდეც კი ვერ მიხვალთ. ჩვენ იმათ ასვლას დურბინდით ვუცქეროდით. მართლაც, პატარა მანძილი გაიარეს თუ არა, სისწრაფეს უკლეს ჩვენების სასიხარულოთ, მთის ძირში გაჩერდნენ შესასვენებლად. მერე ისევ განაგრძეს გზა. დიდხანს ვადევნებდით თვალს, მაგრამ ბოლოს დაგვეკარგნენ მხედველობიდან. სანამ ისინი მოგზაურობდნენ, არც ჩვენ ვიყავით უსაქმოდ. ზოგი ტვირთმატარით გველეთში წავიდა, ზოგი თერგზე საბანაოდ; მეც მათ წავყევი; წყალი ყინულივით ცივი იყო, მაგრამ ბანაობა მაინც სასიამოვნო; და მზესაც ვეცხუნებოდით. ჩვენთან სოფელ გერგეთის სკოლის მასწავლებელი მოვიდა, დახველეთ საქართველოს მცხოვრები; როგორც იმ მხრის მცხოვრებმა, ლაპარაკის მოყვარულობა გამოიჩინა. იმან გვიამბო რამოდენიმე მოხვეუარი თქმულება, რამაც ჩვენ ძალიან დაგვაინტერესა.

პირველი თქმულება.

მყინვარ-წყერის აღმოსავლეთ ფერდობზე შავი კლდეებია, ამ კლდეების მოყვანილობა პირლიო გველეშაპს ჰგავს, და, აი როგორ ხსნის ხალხი გველეშაპის იქ გაჩენას: როცა ამირან გმირი თავის საგმირო საქმეებმა გაათავებდეს, მან მოინდომა ქრისტე ღრმერთან შეჯიბრება. მაშინ განრისხებულმა ღმერთმა სასჯელად ამირანი მიწაზე მიაჯაჭვა და ზედ გერგეთის მთა დაადგა. ამით ისარგებლა ამირანის უდიდესმა მტერმა — გველეშაპმა, რომელიც იმ დროს მყინვარ-წყერზე იჯდა. „აქამდის თუ ვერ ვერეოდი, ეხლა დაბმულს მოვერევიო“, — სთქვა მან და, ამირანის შექმნის განზრახვით, ქვევით ჩამოცოცდა. ეს ამბავი წმინდა გიორგიმ გაიგო, სწრაფ იქ გაჩნდა, გველეშაპს თითი დაუქნია და უთხრა: „ციც! ამირანი ცოდვების მოსანანიებლად დავაბით, და არა შენს გასაძლომად. გაქვავდი მანდ!“ ეხლაც უძრავადაა გაქვავებული გველეშაპი.

მეორე თქმულება.

იყო ერთი მოხევე, რომელსაც ნადირობა უყვარდა. სულ მთელ თავის სიცოცხლეს ნადირობაში იტარებდა, და სხვა არა უნდოდა რა. ჰყავდა მას ცოლი. მონადირე თითქმის მთელი წელიწადის განმავლობაში შინ არ მოდიოდა. ცოლი უქძროდ იტანჯებოდა და, როცა ძალიან გაუძნელდებოდა,

თითონ მიდიოდა ქმართან ტყეში. ერთ-ერთ ასეთ მოგზაურობის დროს ამ ქალს მოეწონა ერთი ბერი. როცა ქმართან მივიდა, შეადარა ქმარი ნახულ ბერს, ქმარი აღარ ინდომა და ბერის უინი ჩაუვარდა. სულ ამ ბერზე ფიქრობდა. ბოლოს ასეთი ოინით მოატყუა ქმარი: თავი მოიავადმყოფა და თავის ქმარს ასე უთხრა: ჩემი სნეულება ამა და ამ ტაძრის მიზეზია; დაასახელა იმ ბერის მონასტერი (თუ არ ვცდები, ბეთლემი) და იქ რამოდენიმე დღით სალოცავად მოინდომა წასვლა. ქმარმა დაუჭერა. აიკიდეს ცოლ-ქმარმა შესაწირავი და გაუდგნენ გზას. როცა მონასტერს მიუახლოვდნენ, ცოლს გაახსენდა, რომ სახლში წმინდა სანთელი დავიწყებოდა და ქმარი უკან დააბრუნა სანთლის მოსატანად. თურმე სანთელი განგებ დაეტოვებინა სახლში. ქმარს უკან გატრიალდა. ცოლი კი მარტო მიუახლოვდა მონასტერს. ამ დროს ასტყდა საშინელი ქარიშხალი, ელვა-ჭექა. ქალმა კივილი შორთო, მიშველეთო. ბერებმა შეიბრალებს, ჭაჭვი ჩაუგდეს და ამოიყვანეს. ქალმა ისე მოახერხა, რომ სწორედ იმ ბერის სენაკში დააწვინეს, როგორც ავადმყოფი. ბერი მაინც და მაინც დიდხანს არ ებრძოლა ლამაზ ქალის მაცდურობას. ქალმა შეაცდინა. ქმარს აედრის გამო ძალიან დააგვიანდა, ისე, რომ, ქალმა მთელი ღამე, ლოცვის მაგიერ, ცოდვებში გაათენა. ამინდი კი თანდათან უარესდებოდა; ჭექა-ჭუხილი საშინელ ხმას იძლეოდა. ასეთი აედარი არავის ახსოვდა თავის დღეში. დილაზე გამოიღარა. ბერები გარედ გამოვადნენ, რომ ქალის

ქმარი ამოეყვანათ. მათ გაკვირვებას საზღვარი არა ჰქონდა, როცა თვალ წინ თოვლით დაფარული უზარმაზარი მთა დაინახეს, რომელიც იმ ღამით ამართულიყო. ეს მთა მყინვარ-წვერი იყო, ღმერთის მიერ, იმ ღამის ცოდვის აღსანიშნავად და დასასჯელად, აყუდებული.

ეს თქმულება არის ერთ-ერთი ვარიანტი, რომლითაც ილია ჭავჭავაძემ ისარგებლა თავის განდევილისათვის. გვიამბო კიდევ ერთი თქმულება: ის ეხება განსხვავებას დედისა და სატრფოს სიყვარულს შორის (მოხვევების თვალსაზრისით).

შესაშე თქმულება.

იყო ერთი მონადირე, რომელსაც სატრფო ჰყავდა. ერთხელ, ნადირობის დროს, მონადირე ჩავარდა ხევში. ის უეჭველად დაიღუპებოდა, რომ ბანდულის ძირის ამონაქსოვი თასმა ბუჩქს არ მოსდებოდა. დაეკიდა ჩვენი მონადირე თავდაღმა, უფსკრულზე. მონადირე არ დაიბნა, დაუძახა თავის ძაღლს, რომელიც იმ ალაგს არ შორდებოდა, საიდანაც მონადირე ჩავარდა: „წადი სოფელში, ჩუმად, არავის არაფერი შეატყობინო, არც დედა ჩემს, არც სხვას, მიდი პირდაპირ ჩემ სატრფოსთან და ჩემი მდგომარეობა შეატყობინე“. ამით მას სატრფოს სიყვარულის გამოცდა უნდოდა. ძაღლს თავისი პატრონის სატრფო თავიდანვე არ უყვარდა. ამიტომ არ ენდო მას და, მასთან ამბის მიტანის შემდეგ, მონადირის დედასაც შეატყობინა.

დედამ, ამბის გაგებისთანავე, ხალხი შეჰყარა და შეიღის გადასარჩენად გაიქცა. დიდხანს ვერ მოეხერხებინათ თოკის ისე ჩაგდება, რომ უძრავად მყოფ მონადირეს ეს ხელში ჩაეპარდნოდა. აი, როცა ასეთ ცდაშია ყველა, მხოლოდ მაშინ მოვიდო მისი სატრფო. რაც მეტი დრო გადიოდა, მონადირის მდგომარეობა უფრო და უფრო საშიში ხდებოდა, რადგან სიმძიმისაგან ღვედი იჭიმებოდა და ყოველ წუთს შესაძლებელი იყო მისი გაწყვეტა. სატრფოს აუტსნეს მდგომარეობის სირთულე. მან ყური არ ათხოვა, გამოართვა თოკი და ჩასძახა მონადირეს: „თოკს ჩამოგიგდებო, შენ შეინძერი, ღვედი გაწყდება, თოკს ხელი სტაცე და ამოგიყვანო“. ხალხი უშლიდა, ნუ იზამ მაგას, დალუპავო, მაგრამ მან არავის დაუჯერა. მონადირე კი ენდო სატრფოს, შეინძრა, ღვედი გაწყდა; მონადირემ თოკის დაჭერა ვერ მოასწრო და უფსკრულში ჩაიჩეხა. გამწარებულმა დედამ ერთი შეჰკივლა და შეიღს გადაჰყვა... როცა გაშეშებული ხალხი გონს მოვიდა, დაინახეს, რომ დალუპულ მონადირის სატრფო იქვე იმ ადგილას, საიდანაც მონადირე გადაეპარდა, ვიღაც ახალგაზრდა ბიჭს ეხვეოდა“.

4. სტეფან-წმინდიდან უავარდენის ბუდეებო.

მეორე დღეს (27 მარტისთვის) ჩვენ გველეთისაკენ მივემგზავრებოდით, წრიაპები მაინც დაგვაკლდა, მაგრამ იმედი გვქონდა, გველეთში ვი-

შოვიდით. დილას ჩვეულებრივ ადრე ავდექით, გამოვყავით ის ბარგი, რომელიც ასვლის დროს არ გვჭირდებოდა. სხვათა შორის ის დიდი თოკები, რომელთაც გამყოლი იაგორა ასე მწარედ დასცინოდა. საათის ათზე ვისაუზმეთ რესტორანში. აქვე ჩვენმა დებმა თავისუფალი ვარჯიში შეასრულეს, რაც იქაურებს ეუცხოვათ და თანაც მოეწონათ. შემდეგ ჩავსხედით ტვირთმატარში. თუ ტფილისიდან ვერ ვეტეოდით, ეხლა 18 კაცი ძზიდველები კიდევ მოგვემატა. არ ვიცი, როგორ ჩავეტიეთ. ზოგი ცალ ფეხზე იდგა; ზოგი კიდევ ცალხელზე ეკიდა. ასე გადავიდეთ სურათი და გველეთისაკენ გავემგზავრეთ. გზაში პრეობრაჟენსკის ქალი¹ შეგვხვდა თავისი ექსკურსიით. ტვირთმატარი გავაჩერეთ, ჩამოვხტით და პრეობრაჟენსკის ქალს პატივისცემით მივესალმეთ. იგი დაბალი, თმა ქაღალა და სუსტი აგებულობის ქალი ყოფილა. მოხუცია, მაგრამ თვალები ახალგაზრდულად უბრწყინავს. ჩვენ დებსავეთ შარვლით იყო. ტიტველა ფეხზე წულა ეცვა. ჩვენი მოზარდები და ქალები რომ დაინახა, სიცილი დაიწყო: „ტყუილად ხუ გცდებით: ამოდენა ხალხის ერთად მწვერვალზედ ასვლა ვის გაუგია, მერე ყოველ ქალს, ორი, ან ერთი გამყოლი მაინც უნდა ახლდეს, რომ ძნელადგილებზე ეხმარებოდნენ. თქვენისთანა ბავშვე-

¹ მარიამ პაულეს ას. პრეობრაჟენსკაია (1863 — 1952) — რუსი გეოგრაფი, რომელიც მეცნიერული მისიონი კავკასიონის რამდენიმე მწვერვალზე იყო ნამყოფი.

ბი იქ სულ ვერ ავლენ". ჩვენებმა ეს სიტყვები ძლიერ იხყინეს; პოეობრაჟენსკის ცივად გაძოვე-სალმეთ და ჩვენ გზას გავუდექით. ძალე ხიდს გა-ვსცდით და გველეთში ჩავედით. სოფელი გველე-თი სულ 6-7 კომლისაგან შესდგება. აქ დიდხანს დავრჩით, რადგან ტვირთის მზიდველები ყოველ-ნაირ ხერხს ხმარობდნენ, რომ, რაც შეიძლება ნა-კლები ბარგი აეკიდათ. მავალის (ავტომობილი) სალტეები და ზედმეტი ბარგი (რომელიც ძაუგში დაგვკვირდებოდა) იქვე სოფელში, ცნობილ მუსა ბეზურთანოვთან დავტოვეთ. მასვე გამოვართვით რამდენიმე წყვილი წრიაპი, რომელიც დაგვაკლდა.

დევდარაკის გზას გავუდექით, გარდა რამოდენიმე ძმისა, რათა მზიდველების ძიერ დატოვებუ-ლი ბარგი ცხენით ამოეტანათ. ეხლა ჩვენ სამი გამ-ყოლი მიგვიძღვება, რადგან იაგორ კახალიკაშ-ვილს და ლევან უშაშვილს გველეთელი ქისტი, აბზი ბეზურთანოვი, მიეუმატეთ. გარდა ამისა, ჩვენ ვილაც სტავროპოლელი ახალგაზრდა რუსი შემო-გვიერთდა. ეს უცნაური ადამიანი ქალაქ სტავრო-პოლის ერთ-ერთ დაწესებულების მოხელე ყოფი-ლა. ის ვილაცას დანაძლევებია, რომ მყინვარ-წვერ-ზე ავა. ნაძლევი იმაში მდგომარეობდა, რომ მო-გებულს წაგებულის ხარჯზე სამი დღე უნდა ექე-იფა სტავროპოლის ყველა რესტორხებში, ეს კა-ცი სრულიად მოუმზადებელი ჩამოსულიყო. არ ვიცვი, ამ სიშორეს რის იმედით მოდიოდა: უჩვენ-ნოთ ის ვერ ავიდოდა, ჩვენი შეხვედრის იმედი ხომ არ უნდა ჰქონოდა? ჩვენი გადაწყვეტილებით

იმათ, ვინც არ აპირებდა მყინვარ-წვერზე ასვლას, თავისი ბარგი თითონ უნდა ეტარებინა; ჩვენ კი, ვინც ასვლას ვაპირებდით, მხოლოდ წერაყინის ამარა მივდიოდით, რომ ძალ-ღონე მყინვარ-წვერისთვის გამოგვეზოგა.

„ცირებს“, სწერს ატო აღნიაშვილი თავის დღიურში: „ჩემი დახმარება არ უნდოდათ, მაგრამ ცოტა-ცოტა ბარგს ვუზიდავდი, გარდა ვერასი, რომელიც არ დამთანხმდა დახმარებაზე: თანაც გიორგი შიკრძალავდა: „მიეჩვიონო და შენც არ დაილალოვო“.

„დედარაკის მყინვარამდე“, განაგრძობს ატო: „კარგი ბილიკი არის რომელზედაც ცხენიც კი გაივლის; მხოლოდ ადგილ-ადგილ წვიმას ჩაურეცხია. ეს ბილიკი გაყვანილია იმ დროს, როდესაც იქიდან სპილენძის მადანს იღებდნენ. უმრავლესობა ამ დაკლაკნილ გზას დაადგა; გიორგიმ და ცირებმა კი ირჩიეს ამ ბილიკის გადამჭრელი ფერდობები და უგზო-უკლოდ, თხებივით მიდიოდნენ და ყოლოს ჭამდნენ. პატარა ხანს მეც მივდეგდი, მაგრამ მომწყინდა კისრის ტეხა და ბილიკს დავადგეკი. მზიდველები და წინ წასულები სხვებზე აღრე მივედით დედარაკის თავშესაფართან, რომელსაც ეხლა „ტბა-წყარო“ ეწოდება. იქ დიდხანს ვუცადეთ დანარჩენებს და, ბოლოს, ყველა შეიგროვდით. შიმშილის გამო იქ გვინდოდა დაბინავება; მაგრამ გამყოლებმა და გიორგიმ კვლავ გაგვაგრძელებინეს გზა მეორე შენობის ნანგრევამდე. სადაც უწინ სპილენძის მადნის მომუშავეთა კანტორა ყოფილა; ეხლა, პირველ ქართულ სამეცნიერო ექსპე-

დიციის სამახსოვროდ, „დიდებულის ნაბინავარი“ ეწოდება.

საღამო იყო. უზარმაზარ კლდოვან მთებში მომწყვედელი დევდარაკის ყინვარი თვალ წინ წარმოგვიდგა. მისი დახეთქილი და ხრეშით მოსილი ნაპრალები მრისხანების და შეუპოვრობის შთაბეჭდილებას სტოვებენ:

„უკვე დაღამდა“, მოგვითხრობს მარო ბეჟანიშვილი თავის დღიურში: „მთებიდან ღრუბლები თანდათან დაბლა ჩამოწვა და თითქმის თავზე გადაგვეფარა. ღრო-და-ღრო მოისმოდა ყინულის ჭახუნი, ზვავის გრიალი და მთების ყრუ გამოძახილი. ყოველი ასეთი გრიალი ჩვენში შიშის ზარს იწვევდა. ადამიანი ხომ მეფეა დედამიწის ზურგზე. რა ძლიერია ბუნება, რა პატარა და სუსტია ადამიანი მასთან შედარებით, მაგრამ თითქმის მისი ბატონიც კი გახდა; დაიმორჩილა შრავალი აუვალი, მაღალი მთები, ზღვა და ცა“.

თუმცა საერთოდ დაღლილობას ეგრძნობდით, მაგრამ კომისიები მაინც შეუდგნენ თავ-თავიანთ საქმეებს. კარვების კომისია, ბებას¹ მეთაურობით, კარვების დადგმას შეუდგა, სურსათის კომისია თავის საქმეს. გველეთიდან ჩვენ უკვე „მთასვლურ“ სურსათზე გადავედით: პურის მაგივრად ტკბილ ნახმს გვირიგებდნენ, კონსერვებს, ქონს და დაყუ-

¹ ექსპედიციის წევრის, შემდგომში ცნობილი ჭართველი რეისორის, იოსებ შიხეილის ძე თუმანიშვილის (1909—1981) შეტსახელი იყო.

ასულ რძეს. ეს ყველაფერი, გარდა ქონისა, ჯერ-
ჯერობით ძალიან მოგეწონდა, მაგრამ მალე ისე
მოგვბეზრდა, რომ დასანახაუდაც კი გვეჭაე-
რებოდა.

ბალოები გვაკლდა და ამიტომ კარვების დად-
გმაზე ბევრი ვეწვალეთ. ამოდენა ხალხი ორ კა-
რაავში ძალიან ძნელად თავსდებოდა. მცირე კარა-
ვი მზიდველებს დაუთმეთ და იმათთან რამდენი-
მე ჩვენი ძმაც მოეწყო. კარავში ჯერ დები შეუშ-
ვით, მაგრამ ისინი ისე მოეწყენენ, რომ კარავში
ადგილი აღარ დარჩა. დები კი იძახდნენ, ძალიან
მჭიდროთა ვართო. მაშინ მე შევედი და ისინი ისე
მჭიდროთ „დავალაგე“, რომ ნახევარი კარავი გა-
ნთავისუფლდა; ძმები იქ მოთავსდნენ, ვინ იცის,
როგორ: ერთის ფეხები მეორის თავზე იდო; ზოგს
ფეხები კარავის ბოძზე ჰქონდა აყუდებული. ამ
დროს ატო შემოვიდა და გამახსენა, რომ სურსა-
თი გარეთ რჩება და ნახში დანოტიოვდებაო. ეხ-
ლა ეს გაგვიჩნდა სადარდებლად. ის ოთხი დიდი
ტომარა, რომელშიაც ნახში ელაგა, კარავში შესა-
ტანი გაგვიხდა. ბევრი ვეწვალეთ და ბოლოს იმ
ტომრებიდან კარავში მაღალი კოშკი ავაშენეთ,
ისე რომ სულ ცოტა ადგილი დაიკავა. გარეთ მზი-
დველ მოხევეებს უშველებელი ცეცხლი ენთოთ.
ნანგრევებში ბევრი შეშა მოიპოვებოდა, და, აბა
რა ენადვლებოდათ; მოათრიეს დიდი ბოძები, ფი-
ცრები და სწავდნენ. მთელი ღამე მღეროდნენ,
ცეკვავდნენ, ხმაურობდნენ; ჩვენებსაც არ ეძინე-
ბოდათ. მე მთელი ღამის განმავლობაში თვალი არ

მომიხუჭავს: მყინვარ-წვერის ფიქრები არ მასვე-
ნებდა.

დილა აღრიან ავდექით: შორს ფერდობზე ჩი-
ხვების ჯოგი დავინახეთ. შორიდგან თოფის ხმაც
მოგვესმა. თურმე ჩვენი გამყოლი ლევან ქუშაშ-
ვილი ღამე სანადიროთ წასულიყო, და, მოხევე-
ების აზრით, ლევანი გაისროდა თოფს და უსათუ-
ოდ ჩიხვსაც მოჰკლავდა. რადგან შესანიშნავ მო-
ნადირეთ ითვლება. (ეს ასეც გამოდგა; ჩვენი უკან
დაბრუნების დროს, ჩიხვის ხორციც ვიგემეთ).

კარვები მოვხსენით და დავიწყეთ ბარგის გა-
ნაწილება მზიდველთა შორის. მზიდველებმა წინა
დღეზე ნაკლები ტვირთი აიკიდეს და წინ წავიდ-
ნენ, ამიტომ ბევრი ბარგი დაგვრჩა და იძულებუ-
ლი ვიყავით ის ბარგი, რომელიც ძალიან გვეჭირ-
დებოდა, ჩვენ თითონვე გვეზიდა; ნაწილი იქვე
დავტოვეთ და დარაჯებიც მიუყენეთ, მზიდველე-
ბის უკან დაბრუნებამდე. გარდა ამისა, ყველას მო-
გვქონდა დიდი კარვის თითო ჯოხი, რაც სიარულს
ძალიან გვიშლიდა.

გავემგზავრეთ შევარდენის ბუდისკენ,
რომელიც მალა ბარტკორდის კბილებიან ქედის
წვერზე სდგას 3660 მეტრის სიმაღლეზე. ჯერ დე-
ვდარაკის ყინვარი უნდა გადაგვევლო. გადასვლი
ადვილია, მაგრამ საშიში; ნაპრალები ხშირია და
ღრმა. ძირს კი მღვრიე წყალი მიშხუის; ყინული
ძალიან ღამაზია, მოციხფრო. შემდეგ „შალალის“
უზარმაზარ ქვანაყარს აუარეთ და აღმართს შეუ-
დექით. 60 მენაკზე აღმართული კლდოვანი გზა

ძლიერ ძნელია, მაგრამ ჩვენ მოვარჯიშებებს ეს არაფრად მიგვაჩნია. ჩვენი დებიც მეტად ყოჩაღად მოდიან. ბათუმელი ძმა ატო აღნიაშვილი, რომელიც ჩვენში ახალი კაცია, ასე სწერს თავის დღიურში:

„მაღე დებმა გამასწრეს: მე უკან დავედევნე; მართალია, ჩემ თავს მთელ ძალას არ ვატანდი, მაგრამ ძალიან ვცდილობდი დაწევას, მიუხედავად ამისა. მაინც ვერ გავასწარი. ტფილისელ დების სიარულს პირველად ვხედავდი და, უნდა გითხრათ, კარგად დადიან. ამ საქმეში იმდენათ გაწვრთნილნი არიან, რომ ბათუმელი დები სულ ვერ შეედრებიან. ბათუმელი ქალები კი არაა, ამათ წინ მეც ქედი უნდა მოვიხარო. ქალების ასეთი სიარული მარტო მე კი არ მიკვირდა, მოხევეებიც აქებდნენ“.

დაახლოებით შუა გზაზე უკანასკნელ მცენარეულობას გამოვესალმეთ. აქ დიდხანს შეეჩერდით, რადგან ბანდულებრისთვის ბალახი უნდა მოგვეკრიფა. ეს განსაკუთრებული ბალახია, რომელსაც მოხევეები ბანდულებში ჩასაგებად ხმარობენ. ბალახი ძალიან მაგარია; მისი ხელით მოგლეჯა ძნელია, რადგან ხელს სჭრის, ხოლო, როგორც იაგორამ აგვიხსნა, დანით მოჭრილი ბალახი აღარ ვარგა, რადგანაც მოკლეა. ბალახის კრეფაზე ძალიან ვიწვალეთ. ბოლოს ისევ აღმართს შეუდექით. ახლა სიარული გვიხდება პიტალო კლდეებზე; გზა სულ არ არსებობს. გამყოლებმა მიმართულება ზეპირად იციან; ალაგ-ალაგ გვხვდება რამოდენ

ნიმე ერთმანეთზე დაწყობილი ქეები, ან კლდეზე აღნიშნული ისარი. ასეთ ნიშნებს გამყოლები გზა-და-გზა ახწორებდნენ და ახლებსაც უმატებდნენ. ეს ცოცვა კლდეებზე ვარჯიშს წააგავდა და ძალიან გვახალისებდა. ამ კლდოვანს გზას ასე აგვიწერს მარო ბეჟანიშვილი:

„ჩემი აზრით, ეს გზა უფრო ძნელია და გახსაკუთრებით საბრთხილო, ვიდრე თვით მყინვარის წოწის (კონუსის) გზა. ერთი ბეწვა გაუფრთხილებლობა, ოდნავ უხეშათ გადადგმული ბიჯი წინ მოსიარულეთა, დაღუპვას უქადის დანარჩენებს. ხშირად გვხვდება რალაცა განგებით შეჩერებული უზარმაზარი კლდე. თუმცა დიდი სიფრთხილით მივდივართ, მაგრამ დრო და დრო მაინც მოისმის ქვის ხრიალი და ყვირილი: „ფრთხილათ, ქვა მოდის!“ ყველა შეშინებული და თვალე დაქყეტილი იყურება ზევით, რათა ქვას თავის დროზე აუქციოს გზა. მალ-მალე გვესმის საშინელი ხრიალი; ხეების ყრუ გამოძახილი. დიდი კლდე მოწყვეტილა და, ვინ იცის, რომელ უფსკრულში ჩაგორდება. ზოგან ისეთი კლდეები გვხვდება, რომ ერთმანეთს ვეხმარებით და ისე გადავდივართ. ალაგ-ალაგ მარჯვნივ და მარცხნივ მაღალი პიტალო კლდეებია. ჩვენ კი მათ შორის ამართულ პატარა-პატარა კლდეებზე მივცოცავთ. ზოგი ჩვენი მოძრაობა ტანვარჯიშის კიდში ვარჯიშს მოგვაგონებს; უმეტესად კი ბჭენში ვარჯიშს, რადგან ხშირად გვხვდება ორ გამოწეულ კლდეზე დაბჭენა და ფეხების ზევით გადაქნევა. ყოველივე ის ჩვენ ძა-

ლიან გვსიამოვნებს და გვეხალისება. ისედაც
ძნელ გზას უფრო ვიძნელებთ და ვცდილობთ, რაც
შეიძლება დიდ და ძნელ კლდეზე ავცოცდეთ. ია-
გორას არ მოსწონს ჩვენი ასეთი უგზო სიარული
და ხშირად გვესმის მისი ხმა: „მანდეთ ნუ მიდი-
ხარ, ქალაუ! გონჯი გზაა და დაილუპები“. ან კი-
დევ ჩვენი ტვირთის მზიდავების ერთმანეთისადმი
მიმართვა: „შენაი ჭირაიმე, ესენი თხები ყოფი-
ლან, თხები“.

პირველ საათზე შევარდენის ბუდეს
მივალწიეთ; ზოგი კი ბევრად ადრე მისულიყო,
მაგალითად, მარო ტყავაძე — 11 საათზე და 15
წუთზე. ზოგმა ძალიან დაიგვიანა. სამ საათზე მე-
ტი იყო, როდესაც სულ უკანასკნელები ამოვიდ-
ნენ. ესენი იყვნენ თამარ ხუციშვილი, თამარ ჩი-
ჩავაძე, ღა მათ ბეზა თუმანიშვილი ამოჰყვა. თა-
მარ ჩიჩავაძეს ამოსვლა გასძნელებია. რომ ამო-
ვიდა, თავს ცუდათ გრძნობდა: დასაშვინდებლად
ვალერიანის წვეთები დასჭიდა. მაგრამ ისიც მალე
მობრუნდა და შემდეგ თავს მშვენიერად გრძნობ-
და. ზუმრობა კი არ იყო სკოლის პატრეცემულ გამ-
გისათვის ასეთ პირობებში დაუხმარებელივ ამოს-
ვლა. მართალია, ევროპაში დარბაისელი ქალის ამ
გვარი მოგზაურობა არავის გააკვირვებდა, მაგრამ
ქართული ქალისთვის ეს სასახელოა. ამ მხრივ
ჩიჩავაძის ქალმა შეუღარებლათ წინ წაიწია. რა-
მოდენიმე თვის წინეთ კი ერთ-ერთ გაფრენზე
მას წყნეთის აღმართზედ ასვლა გაუჭირდა, ეხლა
აქაც ამოვიდა და მყინვარ-წვევრზე ასვლასაც ლა-

შობდა, რაზედაც მკაცრ უარს ვეუბნებოდი. აღსანიშნავია აგრეთვე ჩვენი ცირების და პავლიკ რომანკევიჩის სიყოჩაღე, რადგან, დადებულ პირობის თანახმად, თავიანთი ბარგი თითონ ამოიტანეს.

5. „შეგარდენის გუდა“.

შეგარდენის ბუდე მეტად ვიწრო სერია, ორივე მხრივ ციცაბო კლდეებით შემოზღუდული, ერთი მხრით დევდარაკისაკენ, მეორე მხრით ჩათას მყინვარისაკენ, ხოლო ზედ სერზე ცოტა მოშანდაკებული ბაქანია; იმოდენა, რომ ჩვენი დიდი კარავი ზედ ძლივს ეტეოდა. ცოტა მოშორებით თვით ქოხი სდგას, რომელსაც რუსები ერმოლოვის ქოხს უწოდებენ. ეს ქოხი ათი წლის წინათ მშვენიერათ ყოფილა შეკეთებული და რკინით გადახურული. ეხლა კი მხოლოდ კედლები და ფიცრული ჭერი-და დარჩენილა. ამ ქოხის ბანზე მეორე კარავი გადავაფარეთ და მშვენიერი ორსართულიანი ბინა გამოვიდა. ამ ქოხში და დიდ კარავში ყველანი კარგად მოვთავსდით.

შეგარდენის ბუდიდან ყოველმხრივ მშვენიერი გადასახედი; მაგრამ თვით მყინვარ-წვევრისკენ კი შეუდარებელი. თვალწინ იშლება დევდარაკის ყინვარი, დასაწყისში, ზევით, თითქმის შვეული, სულ დახეთქილ-დასერილი; ქვევით კი, სამი კილომეტრის სიღრმეზე, ვიწრო ხევში ჩამალული დევდარაკის ყინვარის ზემოთ ამაყად ამართულია

მზით გაბრწყინებული მყინვარ-წვერი. ჩვენ მას გულის კანკალით შევსცქეროდით. ის არის ჩვენი სურვილების საზღვარი. ხვალ გადასწყდება, ვიხილავთ ჩვენ ამ საზღვარს, თუ ვერა...

შევარდენის ბუდეზე, ქოხში თუნუქის ფურცელზე რუსული წარწერა დაგვხვდა, სადაც ეწერა, რომ საქართველოს პროფკავშირების ექსპედიცია, რომელშიაც ორი ქართველი ქალი — რამიშვილი და მათითაიშვილი მონაწილეობდნენ, გამყობლ გაბა წიკლაურის წინამძღოლობით, გაემგზავრა მყინვარ-წვერისკენ, ამა წლის ივლისს (რიცხვი არ მახსოვს), მაგრამ დიდი თოვლის და ქარის გამო, მიზანს ვერ მიაღწია და უკან დაბრუნდა. მწვერვალამდე 800 მეტრი დააკლდათ. ჩვენ ამ წარწერამ საგონებელში ჩაგვაგდო: თოვლი დიდია, გზა ძნელი, ვაი, თუ ჩვენც გაგვიჭირდეს... მაგრამ ასმათი ავიდა ფიცრულზე და ქიმიურ ფანქრით ჰერზე წააწერა: „მოვარჯიშენი, მათ შორის ხუთი და, მიუხედავად მრავალი დაბრკოლებისა, 28 მარიაშობისთვეს ავედით მყინვარ-წვერზე და ამით თავი ვისახელეთ“. ეს წარწერა დახევის საშვალეებას 'გვისპობდა და გვაიძულებდა მის გასამართლებლად ყოველი ღონისძიება გვეხმარა, რათა წასაშლელი არ გაგვხდომოდა.

შევარდენის ბუდე მუდმივი თოვლის ხაზზეა. ეგრედ წოდებული თოვლყინულა ანუ ფირნი იქ ბევრი მოიპოვება. თოვლ-ყინულა იგივე თოვლია, მაგრამ მრავალჯერ მზეზე დამდნარი და ღამე ისევ გაყინული. ამიტომ ის თან-შეყინულ თოვლის და

ყინულის მარცვლებს წარმოადგენს. დასაღევათ იმას ვადნობდით, რადგან წყარო ჩათის მხარეს დაბლა იყო, ძლიერ დაქანებულ ფერდობზე, ნაყარ ქვებში ჩამალული. იქიდან წყლის ამოტანა ჩვენებმა ვერ შესძლეს, თუმცა ბევრჯელ სცადეს. ცეცხლი დავანთეთ, პრიმუსები ავაძუშავეთ და თოვლს ვადნობდით. მე განკარგულება მივეცი, რომ ყველა, ვინც მყინვარ-წვევრზე ადის, იმავე სალამოს მომზადებულიყო; ტანსაცმელი და გახსაკუთრებით ბანდულები იმ სალამოსზე ჩაეცვათ და, სამგზავროთ გამოწყობილები დაწოლილიყვნენ, რადგან გათენებამდე უკვე გზას უნდა გავდგომოდით. ერთ აწერილობაში მქონდა წაკითხული, რომ, ბანდულების ჩაცმის გულისათვის დილის ნახევარი საათი დაიგვიანეს, მართლაც, ბანდულებს ჩაცმა ძალიან გაგვიძნელდა. ბალახსაც სულ სხვანაირად უნდოდა ჩაგება. ხან ცოტა იყო ბალახი და ფეხი ფამფალეზდა, ხან კი ფეხი აღარ ეტეოდა ბანდულში. მერე წრიაპების გაკეთებასაც დიდხანს ვსწავლობდით. იაგორამ გვითხრა, რომ, თუ ყინვაში წრიაპები ფეხიდან მოგეხსნათ, ძალიან გაგიჭირდებათ, რადგან გაყინული ხელით ვეღარ შეიკრავთო. ბანდულები რომ ფეხებზე ჩავიცვით, სიარული ვცადეთ და ძალიან მოგვეწონა. ფეხი თბილად და რბილად არის. როგორ შეედრება მას ტლანქი შვეიცარული რკინის ლურსმებიანი ფეხსაცმელები; თითო 7 გირვანქამდე იწონის. ასეთი ფეხსაცმელები მეცვა შინოს-წვევრზე ასვლისას საცდელად, მაგრამ გზაში ამ სიმძიმეების ფეხებზე ტა-

ჩება ისე მეუცხოვა, რომ გავიძრე და სრულიად ფეხშიშველა ვიარე და წვეტიან ქვაზე ფეხიც ვაფუქე. ეხლა კი ამ ბანდულებს ვუყურებდი და ვფიქრობდი: „რა კარგი რამეა, და ევროპელებს კი ვერ მოუფიქრებიათ“.

ფოია მაჭავარიანი ცუდ გუნებაზეა: მისი ბალახი, რომელიც ფანჯარაზედ იდო, ვიღაცას აუღია. ფოია უბალახოდ დარჩა და გამომიცხადო, რომ ხვალ მყინვარ-წვერზე აღარ წამოვალო. ბოლოს კი როგორღაც მოეწყო; მე ამას, სამწუხაროთ, საკმაო ყურადღება არ მივაქციე მაშინ და მის გამო მეორე დღეს ჩვენი მიზანი, კინალაშ, მიუღწეველი დარჩა.

სალამოს 9 საათზე ყველაფერი ნზად გვქონდა და დავეჭიით დასაძინებლად. დანარჩენი უმცროსი დები და ძმები, რომელნიც მცირე წლოვანობის გამო მყინვარ-წვერზე ვერ მიდიოდნენ, რადგან იქ ჰაერი ძალიან თხელია და შესაძლებელია ფილტვებიდან სისხლი ამოუვიდეთ. მიუხედავად დადლილობისა, გულმოდგინეთ შეუდგნენ თავიანთ საქმეებს. მთელი ღამე იმუშავეს. ბება და პავლიკა თოვლს ზიდავდნენ, სალომე და ვერა პრიმუსებზე აღნობდნენ და ყავას ხარშავდნენ; თამრო კი მათარებში ანაწილებდა. ყავა საგანგებოთ ნამდვილი მოკა¹ იყო. ძალიან მაგარი ყავა უნდა მოეხარშათ. ნავთის უსუფთაობის გამო,

¹ იგულისხმება ყავის ერთ-ერთი საუკეთესო ჯიშის — „მოკო“.

პრიმუსები მალ-მალ ფუქლებოდნენ და მუშაობა ძალიან ძნელი იყო. მიუხედავად ამისა, ყველაფერი მოემზადებინათ: სურსათი გაენაწილებინათ, ჩანთებში ჩაელაგებინათ. თითოს უნდა წამოეღო: 1½ გირვანქა ნახში, გირვანქის ერთი მერვედი — ქონი, გირვანქის ერთი მერვედი — შოკოლადი, ¼ გირვანქა შაქარი; სულ ორი გირვანქა¹ საგზალი. ეს ზურგზე ძალიან მსუბუქი ჩანთებით უნდა გვექონოდა აკიდული; გარდა ამისა, თითო მათარა მაგარი მოკა ყავა, (ეს ყავა შაქრიანი იყო, თუმცა, უშაქრო რომ ყოფილიყო სჯობდა). დანიშნულ მორიგეებს უნდა წამოეღოთ ორი ბოთლი კოსიაკი, ერთი წამლის შუშა ვალერიანის წვეთები, ერთი ბოთლი სპირტი და რამოდენიმე სისხლის გასაჩერებელი საშუალება; მაგალითად ქლორ-რკინიანი ბამბა. კიდევ გვექონდა ოც მეტრიანი სიგრძის თოკი, მსუბუქი და მაგარი, შაქრო-ბუილას წამოღებული; და ბოლოს, ბაუმჰაუერის 8×10½ სტ. კოდაკი და ჩემი ჰაერწნევემზომი — სიმადლის მაჩვენებელი².

მე არც წინალამეს მძინებია და იმ ღამეს ხომ უფრო რა დამაძინებდა. სულ ასვლის ფიქრებში ვიყავი და ყველაზე მეტად ამინდის გაფუჭება მაფიქრებდა. აქამდის მშვენიერი დარი იყო. 27 მარიაშობისთვის შევარდენის ბუდიდან ყველა მთები და მყინვარ-წვერი საკვირველად ახლოს მოს-

¹ გირვანქა 409,5 გრამს უდრის.

² ანუ ბარომეტრი.

ჩანდა. ბურუსი სრულიად არ იყო. მაგრამ, თურ-
მე, ჰაერის ეს უცნაური სიწმინდე ქარს მოასწა-
ვებდა; და მართლაც, ღამე საშინელი ქარი ამო-
ვარდა და ჩვენი კარავი კინალამ მოგლიჯა. თბი-
ზომმა (ტერმომეტრი) — 1 მენაკამდე დაიწია¹.

მ. შავარდენის ზუღიან მხინვარ-წვერაზღე

დილის სამ საათზე ყველანი ავაყენე. ვისაუზ-
მეთ, მივიღეთ მომზადებული საგზალი და 4 1/2 სა-
ათი იყო, როცა გზას გავუდექით შემდეგი შემად-
გენლობით:

ფ ე ბ ი:

1. ბეჟანიშვილი მარო.
2. ლორთქიფანიძე გლიკო.
3. ნიკოლაიშვილი ხსმათი.
4. ტყაეაძე მარო.
5. ჩხეიძე ლიდა.

სამი გამყოლო.

1. ბუზურთანოვი აბზი.
2. კაზალიკაშვილი იავორ.
3. ქუშაშვილი ლევან.

სტაეროპოლელი რუსი: ჩუმინინი ალექსანდრე.

ძ მ ე ბ ი:

1. აღნიაშვილი ატო.
2. ალიხანოვი ჟორა.
3. ბაუმჰაუერ ფრიდრიხ.
4. კილაძე სანდრო.
5. კრივოზუბკინი ბორისი.
6. კუკავაძე ვანიჩკა.

¹ „მენაკი“
ნახმარი.

აქაც „გრაღუსის“ მნიშვნელობით არის

7. მამამთავარიშვილი შაქრო.
8. მათიაშვილი მიშა.
9. მაჭავარიძის ფოთა.
10. მჭედლიშვილი ვასო.
11. ნიკოლაძე გიორგი.
12. პაქენდორფ კურტი.
13. ტორაშვილიძე გოგი.
14. ჭინჭარაძე მიშა.

სულ 23 კაცი.

ყველანი ისე ვართ ჩაცმულნი, რომ ჩრდილოეთის ზოლიუსისაქენ გამგზავრებულ ექსპედიციას ვგევართ, ჯერ კიდევ ბნელა; ცა მოწმენდილია და წარსკვლავები მოსჩანს. მაღალ მთიდან ისინი საძვირველი ბრწყინვალეებით მოჩანან. დიდი ქარია; დაგორა ამბობს, რომ, თუ ეს ქარი არ ჩადგა, უკან დაბრუნება მოგვიხდებაო. ქარი დასავლეთიდან ჰქრის და ავდარსაც მოიტანს; ჩვენ ვგრძნობთ, რომ თუ დღეს ვერ ავედით, სულ ველარ ავალთ, რადგან გამოდარებამდე სურსათი დაგვაკლდება. ამიტომ განვაგრძობთ გზას.

პირველად გზა კლდოვან სერზე მიდის, რომელსაც „გახა წიკლაურის კლდოვანი ბილიკი“ ეწოდება. ჩვენ ეს ბილიკი ტფილისიდანვე გვაინტერესებდა, რადგან გზეს იმ დაწვრილებით გახრიგებაში, რომელიც პროფესორ დიდებულისძემ გადმოგვცა, ეწერა, რომ ეს ბილიკი ყველაზე ძნელად გასავლელი ადგილიაო. ჩვენ კი ეს ბილიკი გვეადვილა და მოგვეწონა, რადგან ხტომაში და ვარჯიშობაში დასელოვნებულნი ვართ.

წიკლაურის ბილიკით ე. წ. „კლდე-ქოხამდე“ მივედით (პირველი ოლგიშკა ქისტურათ). კლდე-

ქონის გადაღმა მიწას უკვე ვეღარ შეხვდებით; თოვლად თოვლია ან მყინვარ-წვერის მიერ ოდესღაც, უძველეს დროს აღმოფრქვეული წიაღვარი (ლავა). აქედან წიაღვარის წვეტიან ნატეხების ნაყარზე ავდივართ. დიდი აღმართია. ბორია კრივოზუბკინი ცუდათ ხდება: გული ერევა, იძულებულია უკან დაბრუნდეს. შემდეგ გამოირკვა, რომ მისი ავადმყოფობის მიზეზი სულ უბრალო რამე ყოფილა. წინა-დღეს, თურამე ქონი არავის უკამია, რადგან არ მოსწონებიათ, ამას კი მთელი ეს ქონი მოუგროვებია, შეუწვამს და შეუჭამია. რაც დამდნარა, ისიც დაუღევია. კრივოზუბკინი უკან დაბრუნდა. ჩვენ გზა განვაგრძეთ და მალე „მყინვართ გუშაგთან“ (მეორე ოლგიშკასთან) მივედით. ეს „მყინვართ გუშაგნი“ წიაღვარის ორ უშველებელ სვეტს წარმოადგენს, რომელნიც მართლა გუშაგებივით უფსკრულს გაჰყურებენ. უფსკრულის ძირზე კი დახეთქილი და დასერილი დევდარაკის ყინვარია. აქ ცოტა დავისვენეთ, იმ დროს მზეც ამოვიდა და სურათი გადავიღეთ. შემდეგ ისევ გზა განვაგრძეთ. ისევ აღმართია, ახლა თოვლ-ყინულად დაიწყო. ეს თოვლ-ყინულა ავიარეთ; იქვე დიდ ქვის ძირში წყალი ვნახეთ, რომელიც ზევიდან გაყინული იყო. წყალი იმდენად ცივი იყო, რომ ზედიზედ ორ ყლაპს ვერ დავღევდით, ერთი ფინჯნიდან ორნი სვამდნენ დროს მოსაგებათ.

აქედან თოვლ-ყინულა ველზე გადავედით. ეს

ველი მარცხნივ დევდარაკისკენ არის დაქანებული, მის მარჯვნივ-კი წიაღერის „მრისხანე“ კლდეა ამა-
რთული (მესამე ოლგიშკა). ეს კლდე იშლება და
ქვები საშინელი სისწრაფით დევდარაკის ნაპრა-
ლებისკენ მიექანებიან. აქ დიდი სიფრთხილეა სა-
ჭირო. ჰაერწნევაში 4 000 მეტრის სიმაღლეს მი-
ჩვენებს. თოვლ-ყინულას ახალი თოვლი გადაჰფა-
რებია და ამ თოვლზე პროფკავშირის ექსპედიცი-
ის კვალი მოსჩანს; ჩვენ ამ კვალს გავყევით. ის
„მრისხანე“ კლდის ბოლომდე მიდიოდა, შემდეგ
კი იკარგებოდა. აქ ორი სურათი გადავიღეთ.
თოვლ-ყინულა ველი უშველებელ (თითქმის 3 ვერ-
სი სიგრძით და სიგანით) ვაკე ადგილს წარმოად-
გენს, საიდანაც ყინული სხვა და სხვა მხრივ მრავალ
ყინვარებათ ჩამოწოლილა. ერთ მხარეს —
დევდარაკისაკენ, მეორე მხარეს — ჩათასკენ, მე-
სამეს — მაილისკენ. ამათგან დევდარაკი და ჩა-
თა საქართველოს საზღვრებშია, ხოლო მაილის ყინ-
ვარი — ჩვენ საზღვრებ გარეშე, თვით თოვლ-ყინ-
ულა ველზე ათასწლოვანი ყინული სძევს. რომ-
ლის სისქე ალაგ-ალაგ ას მეტრს აღემატება. ამ
ყინულზე სიარული სახიფათოა, რადგან დახეთ-
ქილია, ნაპრალები და უფსკრულები თოვლით არის
გადაფარებული, სადაც ჩავარდნა ადვილია. იაგორ-
რამ ქამარზე შექროს თოკი მაგრა მიიბა და წინ
წავიდა. ამ თოკის მეორე ბოლო ლევანს ეჭირა.
ჩვენ ყველანი ერთ რიგათ მივდევდით; უკახა წი-
ნას ნაფეხურში სდგამს ფეხს. ამ გვარად ერთ ნა-
პრალს სულ ახლო გაუარეთ. უფსკრული ღრმა

იყო კედლები ცისფერი ყინულის სტალაკტიდებით მოცული. ქვევით კი წყალი მიშხუის. ჩვენ ძაწიან ნელა მივედიოდით წინ, პაერის სითხელეს ვებრძოდით. თუ ნაბიჯს ცოტა ავუჩქარებთ, მაჯაც აგვიჩქარდება და ისე ვსუნთქავთ, როგორც წყლიდან ამოღებული თევზი. ყინვა და ქარი მატულობს. კარგათ სჩანს, როგორ აბორიალებს ქარი თოვლს მყინვარ-წვერზე. აქაც თოვლის ბუქი დგება. პაერში ღრუბლები გამოჩნდა და ქვევითაც ყველაფერი ბურუსში გაეხვია. კავკასიონის გადაღმა ველი მთლად ღრუბლით არის მოცული და ეს ღრუბელი კი ჩვენზე დაბლაა. დარიალში ღრუბლები სამხრეთიდან შედიან ნელ-ნელა, თითქოს უზარმაზარი გველიშაპები დასცურავენო. თვით მყინვარ-წვერსაც ხანდისხან დასავლეთიდან წამოსული ღრუბელი ფარავს. თოვლ-ყინულა ველიდან ჯიმარაიხოსს და მთელ ოსეთის ქედს კარგად ვხედავთ. ამგვარად მყინვარ-წვერის წოწის (კონუსის) ძირს მიუახლოვდით (4200 მეტრი). 10¹/₂ საათი იყო. იქ ვისვენებთ. ბევრს ეძინება. ასმათი ჩამორჩა, დაწვა თოვლში და დაიძინა. ბევრი ვეწვალეთ სანამ ვაკლივიძებდით და ავაყენებდით. მართალია, ჩვენ ორი ღამის უძილოები ვართ. მაგრამ ასეთი ძილის მორევა უსათუოთ სიმაღლის შედეგი უნდა იყოს. აქ ცოტა შოკოლადი და შაქარი შეგვიპაემო. შაქარი მაღალ მთაში ძალიან სასარგებლოა: წყურვილს უკლავს და ძალასაც ჰმატებს. იავორამ სთქია, რომ უწინ უკრძალავდნენ გამყოლებს ასეთ ამინ-

დში ექსპედიციის აყვანას მწვერვალზე, რადგან შესაძლებელია, რომ ყველა დაიღუპოსო. ჩვენ ასე ადვილად იარაღს არ დავყრიდით და არ დავნებდებოდით. ამიტომ გადავწყვიტეთ, რომ ორნახევარ საათამდე წინ ვიაროთ, მერე კი უკან დავბრუნდეთ, რათა, მართლა, ამ ყინულოვან ადგილას არ დაგვიდამდეს და არ გავიყინოთ. ყველაფერი ზედმეტი მოვიხსენით და თოვლში ამოთხრილ ორმოებში ჩავალაგეთ, რომ ქარს არ წაედო. ფეხებზე წრიბები მივიმაგრეთ. დავიტოვეთ მხოლოდ ტყავის კურტკები, ჩაფხუტები, ხელთამანები, ყავით მათარები, ჯიბეში კი რამდენიმე ნატეხი შაქარი. კონიაკი იქ დავტოვეთ, ვალერიანის წვეთები და სისხლის შესაჩერებელი ბამბა კი წავიღეთ. არც თოკი დავგიწყებია. სახეზე ყველას ვაზღვინი გვესვა და შავი სათვალეები გვეკეთა. მიშა მათიაშვილს მთელ სახეზე ჩამოცმული ჰქონდა მოქსოვილი თეთრი ნიღაბი. ასე მოწყობილები წოწს შეუდგეთ. აღმართი თავიდანვე დიდია; თანდათან მატულობს და ადგილ-ადგილ 75-80 მეტრს აღწევს. ჯერ დაკლაკნილად მივდიოდით, რადგან თოვლი რბილია და ასე სიარული შესაძლებელია, თუმცა კი ძნელია; თოვლი მუხლამდის ან წელამდის აღწევს. როდესაც ერთ ფეხს ზევით ვწევთ წინ გადასადგმელათ, უმთავრეს სიმძიმით წერაყინს ვეყრდნობით. ყველაზე ძნელი კი ის დროა, როცა წერაყინი უნდა ამოვადროთ და წინ გადავიტანოთ ჩასარჭობათ. მაშინ ორივე ფეხზე ვდგავართ და ცალი ხელით ვკიდევართ; მე-

ორე ხელით კი წერაყინს მაგრა ვარკობთ ყინულ-
ში, ისე რომ ბოლომდის ჩადის, რისთვისაც რამ-
დენჯერმე ჩაკვრა სჭირდება. როცა წერაყინი სა-
კმაოდ მაგრა არის, მაშინ ზედ ვეკიდებით და წინ
ვიწევთ. ქარი ძლიერია და მოაქვს თოვლი; ხან-
დახან ვერაფერს ვხედავთ. ეხლა სავსებით დავე-
მკზავსეთ თოვლში დაკარგულ ჩრდილოეთის ექ-
სპედისციას. თავზე თბილი ჩაფხუტებით, შავი სა-
თვალეებით, დართვილულებს რაღაც საშინელი შე-
ხედულობა გვექონდა. გარშემო ნისლია, თოვლი,
ქარბუქი, არაფერი სჩანს. ჩვენ კი დადუმებულნი,
შეუბრალოდ ვებრძვით ბუნებას, უცნაური სიჯი-
უტით წინ მივიწევთ და დაჯინებით რაღაც პი-
რობით წერტილისაკენ მივინწრაფებით. მე ყოველ
ჟერნის კაპიტანი გატერასი მაგონდება და გულში
მეცინება. სახელოებზე ყინულის სამაჯურები გა-
გვიკეთდა. მათარებში ყავა გაგვეყინა. თუ რი-
ტველ ხელს წერაყინის რკინას მივადებდით, ზედ
ეკრობოდა ისე მაგრად, რომ მოცილება ძნელი
იყო. ეს უკანასკნელი მოვლენა კი მოწმობს, რომ
სიცივე — 20 მენაკამდე იყო. გამყოლი აბზი ბე-
ზურტანოვი, რომელიც უკან მოგვეყვებოდა, ჯერ
ძალიან ჩამოგვრჩა, მერე-კი სულ დაბრუნდა. ჩვენ
კი დიდის ბრძოლით და წვალეებით ნელ-ნელა წინ
მივდიოდით. მუშაობა გვახერებდა. დიდი ხნით და-
სვენება ყოვლად შეუძლებელი იყო, რომ ვინმე
არ გაყინულიყო, რისაც ძალიან მეშინოდა. ყველა-
ზე უკან ჩამოვრჩი და გაჩერების ნებას არავის ვა-
ძლევდი. ერთ რიგად მივდიოდით. წინ იავორა მი-

გვიძღვებოდა და, სადაც საჭირო იყო, წერაყინით ყინულზე საფეხურებს სჭრიდა. ჩვენ ვიცოდით, რომ საფეხურების რიცხვი ასვლის სიძნელის ერთგვარი საზომია, ამიტომაც საფეხურების მთვლენები დაენიშნეთ. უკვე იმ უნაგირისებურ სერს მიუახლოვდით, რომელიც მყინვარ-წვერის დიდი (აღმოსავლეთის) და მცირე (დასავლეთის) წოწების შორის მდებარეობს, მაგრამ ეს სერი მარჯვნივ დაეტოვეთ და მარცხნივ აუხვიეთ.

ამ დროს ყველა გიჩერდა, რადგან ფოია მაქავარიანს ფეხები გაპყინვია და ფეხზე ვეღარ დგება. გამყოლ ლევან ქუშაშვილმა, რომელიც იაგორას მისდევდა, იმ ციცაბოზე საკვირველ სისწრაფით ჩამოირბინა და ფოიას წინ გაჩნდა: ჩვენც მივეშველეთ. ბევრი ვეწვალეთ, სანამ გაყინული ზელებით ბანდულები გავაძრეთ. თურმე იმას ბალახი რომ არ ჰქონდა, ბანდულები პირდაპირ წუღებზე ჩაეცვა. წულა ჯერ დასველებულიყო, მერე გაყინულიყო; წულას ფეხებზე მოეჭირა, და ფეხებსაც გაყინვა დაეწყით. ჩვენ ფოიას სამი წყვილი წინდა გავაძრეთ, ფეხები თოვლით კარგად დაუზილეთ, ბანდულებში ბალახი ჩაუგეთ, რომელიც ლევან ქუშაშვილმა „შევარდენის ბუდიდგან“ გამოსვლისას გადმომცა. ისევე ფეხთ ჩავაცვიით და მაშინვე უკან დავაბრუნეთ. აგრეთვე უკან დავაბრუნეთ გოგი ტოროშელიძე, რომელსაც წრიაპების თასმები დასწყდომოდა და ცალი წრიაპი დაჰკარგოდა. რადგან მარტო ვერ დაბრუნდებოდნენ, ლევან ქუშაშვილი და ვარჯისტავი, ძმა ვანიჩკა

კუკავაძე, თან გავაყოლე. ამ შემთხვევაში ვანიჩ-
კამ წესმორჩილების და თავგანწირულების საკვირ-
ველი მაგალითი გვაჩვენა. ის თავს ისე კარგად
გრძნობდა, როგორც ყველა დანარჩენები და თით-
ქმის მწვერვალამდე ასული, უკან დაბრუნებაზე
დათანხმდა, მხოლოდ იმისათვის, რომ ფოიას უშვე-
ლოს, თუ მას ფეხები ისევ გაეყინება. ვგონებ,
რომ, ვანიჩკას გარდა, ხასიათის ასეთ შესანიშნავ
სიმტკიცეს სხვა არავინ გამოიჩინდა, ამიტომ ჩვენ
რმას ყოველთვის მწვერვალზე ასულების რიცხვში
ვიხსენიებთ.

აქ მე გამოუცხადე ყველას, რომ ჩვენ ეხლა
ერთი გამყოლილა გვრჩება და, თუ კიდევ ცუდათ
ვინმე გახდა, მაშინ ყველას დაბრუნება მოგვიხ-
დება, ამიტომ ვისაც თავისი თავის იმედი არა აქვს,
ეხლავე ვანიჩკას და ლევანს გაჰყვეს. რამდენჯერ-
მე შევეკითხე, მაგრამ დაბრუნება არავინ მოი-
სურა. ჰაერწნეგ-ზომი მაშინ 4800 მეტრის სიმა-
ღლის გვიჩვენებდა, ე. ი. 250 მეტრილა გვრჩებო-
და მწვერვალამდე.

განჯაგრძეთ გზა. ზოგს ცხვირიდან ცოტ-ცოტა-
თი სისხლი სწვეთდა, მაგრამ ამას არაფრათ ვაგ-
რებთ. მთავარი გულია და გული კი ყველას მშვე-
ნიერად ჰქონდა. ბეგრს ძილი ერეოდა, მათ ვერე-
კებოდით, რომ არ გაყინულიყვნენ. უკლებ ჰვევი-
ონ რაღაც ყვირილი და ძახილი მოგვიესმა. იაგო-
რას დაენახა, რომ უკან დაბრუნებულებიდან ეი-
ლაცა დაგორებულები. „ის ალბად დევდარაკში
დაიღუპებაო“, — დაუმატა მან. მაშინ ყველას და-

ბრუნება ეუბრძანე, მაგრამ იაგორამ მკაცრად მი-
 პასუხა: „ვინც ცუდათ მომზადებული წამოვიდა,—
 დეე დაიღუპოსო. ჩვენ კი აუცილებლივ მწვერ-
 ვალზე უნდა ავიდეთო“. ჩვენც შელოცვილებივით
 მას დავემორჩილეთ. აი უკვე წიაღვარის შავ-კლდე-
 ებს მიუხლოვდით, რომელნიც შევარდენის ბუ-
 დიდგან მწვერვალთან სულ ახლო სჩანს. მე მე-
 გონა პირდაპირ კლდეებზე ავცოცდებოდით, მაგ-
 რამ იაგორამ კლდეების მარცხნივ მოგვატარა. ეხ-
 ლა ჩვენი გზა უფრო ძნელი და საშიშოა, რადგან
 გზა თითქმის კედელივით შეეულია და დაბლა უწი-
 ნდელ თოვლ-ყინულა გელის მაგივრად დევდარა-
 კის უფსკრულია. ჩვენ საფეხურებს ვჭრით ყინულ-
 ში და პირდაპირ ზევით მივდივართ. იაგორა სა-
 შინლად დაიქანცა, საფეხურებს ველარ სჭრის. ეხ-
 ლა ის გვეხვეწება დაბრუნებას. ის გვეუბნევა რომ,
 თუ ასეთ კედელივით გზაზედ საუკეთესო საფე-
 ხურები არ დაგტოვებთ, ჩამოსვლა შეუძლებელი
 გახდებაო, ჩვენები იაგორას ადგილს იკაებენ. მათ
 შორის „და“ ასმათ ნიკოლაიშვილი მუშაობს, რო-
 მელიც ამ საფეხურების ჭრამ ძალიან გამოათხიზ-
 ლა და ჩვეულებისამებრ მხიარული გახდა. ძა-
 ლიან გვიშლის სტავროპოლელი რუსი, საცრდავს
 წრიაპები ზრა აქვს და ძლივს მიდის, ხან ვეჩხუბე-
 ზით იმას, ხან ვშველით, რაც ძალიან გვაგვიანებს.

2 1/2 საათია. უკვე დაბრუნების დროა, მაგრამ
 ეხლა, როცა მიზანი ასე ახლოა, ყველა შეშლილს
 ჰგავს, ყველას აზრათ ერთიდა აქვს — „მწვერვა-

ლისაკენ“. საფრთხეს, ქარიშხალს, საშინელ ყინ-
ვას აღარავითარ ყურადღებას აღარ ვაქცევთ.

7. მშინვარ-წვერაჲ.

ბოლოს აღმართი ცოტა შემცირდა. ეს —
მწვერვალია. მოწინავეებმა საფეხურების ჭრას თა-
ვი დაანებეს და პირდაპირ ზეგით აირბინეს. აჲ
უკანასკნელ წუთში შეედელი ძმა კურტი, როცა
მას ორი ნაბიჯი-ლა რჩებოდა, ღონე მიხდილი ყი-
ნულზე პირდაღმა დაეცა, მაგრამ მაშინვე მივარ-
დნენ, დაზილეს და მალე მოაბრუნეს. ბოლოს ნელ-
ნელა დანარჩენებიც აცოცდნენ; ყველაზე უკანას-
კნელი მე ავედი.

მაშ მიზანი მიღწეულია, „მიუხედავათ მრავალი
დაბრკოლებისა“, როგორც ასმათმა წინა დღეს
შევარდენის ბუდეში აღნიშნა. აღსრულდა მრავა-
ლი წლის ოცნება! მრავალი დღის შრომა და მზა-
დება ასე ბრწყინვალეთ დაგვირგვინდა! ჩვენ სი-
ხარულს საზღვარი არა ჰქონდა. შეშლილებივით
„ვაშას“ ვიძახდით, ვყვიროდით, ვიცინოდით. მე
იაგორას მივივარდი და გადავკოცნე. ატოს ორი ვა-
შლი ამოეტანა. ეს ვაშლები დიდი ამბით შეეჭამეთ.

როგორ ავწერო ადამიანის სულიერი მდგომარეობა მიუწვდომელ მწვერვალის მიღწევის დროს.
ეს ხომ სრულიად შეუძლებელია. ამას მხოლოდ
ის გაიგებს, ვინც თითონ ყოფილა ასეთ წუთებში.
უძლეველი სიძლიერის და სიამაყის გრძნობა მთელ

არსებას იტაცებს. ჩვენ კი ბევრი რამ გვაქვს სა-
ამაყო: მწვერვალზე 18-ნი ვართ. ასეთი შემთხვევა
მხოლოდ ერთხელ ყოფილა, როცა მყინვარ-წვერზე
21 კაცი ასულა, როდესაც მეტეოროლოგიურ
ქოხს სდგამდნენ, მაგრამ ის ასვლა მშვენიერ დარ-
ში მოხდა და ამსვლელნიც უმეტესად მოხევე მზი-
დველები იყვნენ. ასეთ ცუდ დარში, როგორშიაც
ჩვენ ავედით, 18 კაცი კი არა ჯერ ერთიც არ ასუ-
ლა. გახა წიკლაური, რომელსაც შემდეგ „დიდე-
ბულიძის ნაბინავარში“ შევხვდით, 15-ჯერ ასულა,
მყინვარ-წვერზე და 50-ჯერ ვერ მიუხწევია. უდი-
დესი ყინვა, რომელიც მას ასვლის დროს განუც-
დია, — 8 მენაკი ყოფილა. ჩვენს ასვლის დროს-
კი 20 მენაკამდე იყო და ამასთან საშინელი ქარიც.
აქამდის არც კი იცოდნენ დანამდვილებით, რომ
მარიამობის თვეში მყინვარ-წვერზე ასეთი ყინვა
შესაძლებელია¹, და ჩვენმა ასვლამ ეს დაამტკიცა.
მაგრამ უმთავრეს სიამაყეს ჩვენი დები წარმოად-
გენდნენ. ამდენი ქალი ჯერ იქ არასდროს არ ასუ-
ლა. ჩვენები ხუთნი არიან და მათ შორის ასმათი
ჯერ მხოლოდ მეექვსე კლასის მოწათვა.

იქ ასვლისთვის თვით პრეობრაჟენსკის ქალს შე-
სამჩნევი დახმარება სჭირდება ხოლმე; ჩვენ დებს

¹ 1902 წელს მარიამობისთვის 12-ს, ძველი სტილით,
მარიამ პრეობრაჟენსკიმ მყინვარ-წვერზე მინიმალური თერ-
მომეტრი (ქვენარი თბიზომი) დასტოვა. ორი კვირის შემ-
დეგ, მარიამობისთვის 26-ს სტულდ. დემიკიდოვმა იმ თბი-
ზომზე — 23 მენაკი ქვენარი ნახა, მაგრამ შემდეგში ეს
თბიზომი გაფუჭებული აღმოჩნდა, ისე რომ მარიამობის
თვეში ასეთი ყინვის შესაძლებლობა მაშინ დამტკიცებულათ
არ ჩასთვალეს (ავტორის შენიშვნა).

კი არავინ დახმარებია. პირიქით — ზოგი მათგანი თვითონ მედგრად მუშაობდა და სხვას გზას უადვილებდა. მხოლოდ მარო ბეჟანიშვილს ძილი ერეოდა და ყოველ წუთს დაძინებას აპირებდა. მე მას მივდევი და ხან ხვეწნით, ხან წყრომით წინ ვგზავნიდი.

აქ ნათლად დამტკიცდა, თუ ტანვარჯიშულ განვითარებას რა მნიშვნელობა ჰქონია. ფილტვები და გული ყველას მშვენივრად ჰქონდა, ვალერიანის წვეთები და სხვა რომელიმე წამალი არავის დასჭირებია, გაყინული ყავა ჩვენთვის მხოლოდ ზედმეტი ტვირთი გახდა. სიარულში კი ჩვენ, მაღლა მთაში პირველად ამსვლელები, საუკეთესო გამყოლებს ვეჭიბრებოდით. ეს თვითონ გამყოლებმა აღნიშნეს და უკვირდით კიდევ.

მწვერვალზე ყველა მშვენივრად გრძნობდა თავს. დაღალვის ნასახიცი აღარავის ეტყობოდა და ყველა მხიარულად იყო.

მყინვარ-წვერი გამქრალი ეულკახის ნახევრად დანგრეულ კრატერის გვერდს წარმოადგენს. ეს გვერდი ძალიან ვიწრო და მოგრძო სერია, აღმოსავლეთიდან დასავლეთისაკენ გადაჭიმული. შუაში ცოტა ამოზნექილია. ზედ ცხენსავეთ შევაჯექით. სამხრეთისაკენ, ე. ი. ტფილისისაკენ, მწვერვალზე ცოტა დაბლა, პატარა ბაქანია; მის კიდის კლდოვან ნაპრალის თავზე მეტეოროლოგიური ქოხი სდგას. იმასთან მისვლა ვეღარ მოვასწარი.

ის საუცხოვო გადასახედი, რომელიც თვალწინ უნდა გადაგვშლოდა, სამწუხაროდ, სრულიად

დაფარული იყო, მხოლოდ ხანდისხან და ალაგ-ალაგ ღრუბლები ოდნავ გაირღვეოდა და გვაგრძნობინებდა, თუ რა საშინელ სიმაღლეზე ვიყავით. ქარი აუწერელი სიძლიერით უბერავდა. კაცს ქალღღივით მოიტაცებდა, რომ ადგილზე მჭიდროთ არ მივმაგრებულყავით წერაყინით. შაქროს თუთიის ფირფიტა წარწერით თოვლში უნდა ჩაეთლა ამისათვის ფეხზე ადგომა სჭირდებოდა და, სანამ ყინულში ჩარჭობილ წერაყინზე თოკით არ შიბებს, ვერ დადგა. მეც ალიუმინის კოლოფი ჩვენი ნიშნებით თოვლში ჩაეთალი.

8. მყინვარ-წვერიდან ჩამოსვლა.

მყინვარ-წვერზე 3 $\frac{1}{2}$ საათზე ავედით, ე. ი. „შევარდენის ბუდიდგან“ შეუჩერებლივ 11 საათი ვიარეთ. ეს ძალიან ნელია, მაგრამ საშინელი პირობები იყო. საფეხურების მთვლელებმა 1200 გაკრილი საფეხური დასთვალეს. ძალიან დაგვიგვიანდა. საჭიროა უკან დაბრუნება, თორემ წოწზე დაგვიღამდება და გაციყინებით. მე ყველაზე უკანასკნელად ასული, მწვერვალზე მხოლოდ 5 წუთი დავრჩი და უკან ჩამოსვლის ბრძანება გავეცი. დავიწყეთ თუ არა ჩამოსვლა, მხოლოდ მაშინ შევნიშნეთ, რომ ნამდვილი საშინელება ასვლა კი არა, ჩამოსვლა ყოფილა. ის დალოცვილი სტავროპოლელი უწრიაპო, დამჯდარი, დიდის წვალებით, ქვევით მიცოცავდა და თანაც ყველა საფე-

ხურებს ანგრევდა. დაქანება საშინელია. ჩვენ ქვე-
მოდ კი, უფსკრულში დევდარაკის მყინვარის ნა-
პრაღი და ნახეთქებია. ჩასვლის დროს მარო ტყა-
ვადეს ფეხქვეშ თოვლი ჩაენგრა. ის მოსწყდა, მაგ-
რამ ყინულში ჩარქობილ წერაყინს ხურჯინივით
გადაეკიდა. ასე თავდაღმა გადაკიდებული შეჩერ-
და, თუმცა ნელ-ნელა ქვევით მიცურავდა. წერა-
ყინი რომ მომძვრალიყო, ან გატეხილიყო, ძარო
დევდარაკში ჩაგორდებოდა და ყველას, ვინც ქვე-
მოდ იყვნენ, თან ჩააყოლებდა. მე ისევ უკანას-
კნელი მივდიოდი. ეს რომ დავინახე, სწრაფად ჩა-
მოჯირბინე, ისე როგორც, ლევან ქუშაშვილმა, ე.
ი. წრიაპების უკანა კბილების თითქმის შვეულ
ყინულში მაგრათ ჩარქობით; მაროს ხელი ვტაცე
და შევაჩერე. იმ დროს, როცა მარო ხელში მე-
ჭირა, მე თითონაც ქვეით ჩაცურება დავიწყე, მა-
გრამ მალე მაროს თოკი მიაბეს და ზევით ასწიეს.
მე ხელი გავინთავისუფლე და სხვების დახმარე-
ბით შევჩერდი და ფეხზე ავდექი. ამ გვარად სა-
შინელი საფრთხე თავიდან ავიცილეთ.

წინ მივიწევით. უკვე შავ კლდეებსაც მოუარეთ,
ისე რომ წოწის ყველაზე საშიში ნაწილი ჩამოვი-
არეთ. ეხლა გზა უფრო ადვილია. ამ დროს ზევი-
დგან ვილაც მეძახის, უკან დაბრუნება და 200 მე-
ტრზე ხელახლად ასვლა მე აღარ შემიძლიან. ძა-
ხილი ბევრჯერ მეორდება. მე კი არც დაბრუნე-
ბა და არც შეჩერება შემიძლიან, რადგან ვგრძნობ,
რომ გავიყინები. მწუხარებით ვფიქრობ, რომ შე-
საძლებელია, იქ, ზევით ვინმე დაილუპოს, და მე-

კი მისი შველა არ შემოდლიან. ამის გარდა ვიცო, რომ ყველა ჩემსავით დაქანცულია და ალბათ იმას აღარავინ უშველის. მაგრამ შევცდი, ყველაზე ახლო ატო იყო. იმან იმოდენა გმირობა გამოიჩინა, რომ უკან დაბრუნდა. შავ კლდეებს ისევ აუარა, უვნებლად ჩამოვიდა. თვით ატო ასე აღწერს. თავის ჩამოსვლას.

„წავიდეთ, წავიდეთ“, დაიძახა გიორგიმ. გაჩერება არც მე მინდოდა, მაგრამ პირველი არას გზით არ წავიდოდი; ვინ წავიდა წინ, აღარ მახსოვს. მახსოვს მხოლოდ ის, რომ მარო ტყავაძის უკან მივდიოდი, 10 მეტრზე ვიქნებოდი ჩასული, როცა მარო მოსწყდა, და მგონი, ფრიდრიხ ბაუმპაუერიც წააქცია და დანარჩენებსაც თან გადაიტანდა, რომ გიორგი დროზე არ მიშველებოდა. ამ დროს გიორგი ჩემს შემდეგ მყოფ მარო ბეჟანიშვილს მიჰყვებოდა, რადგან ის ყველაზე სუსტად იყო. დაინახა თუ არა გიორგიმ, საქმე ცუდათ არის, დამიყვირა: „მარო ბ-ს მოუარე“-ო, თვითობ კი ჩამოიბრბინა ამ დაქანებულ ადგილზე მარო ტყავაძეს მივარდა და შეაჩერა. მე კი დავინახე თუ არა, რომ მარო ტ-ძე ჩაცურდა, გული გამისკდა; სანამ მარო ჩემ წინ იყო, მიფარავდა დევდარაკის უფსკრულს; როცა ის დაგორდა, ისეთი გრძნობა დამებადა, თითქოს უფსკრულის ბირზე ვკიდივარ, თანაც ისე ცუდათ ვიდექი, რომ, გაჩერების გარდა, სხვა ვერაფერს ვახერხებდი. მაროს მოვლა კი არა — მე თითონ მოსავლელი ვიყავი. გიორგიმ ამოიხედა, დაინახა, რომ მარო ბეჟანიშვილი დამ-

ჯდარა. ცოტა არ იყოს მწყრალად დამიძახა; „მაროს მიხედე“-ო. მე კიდევ პატარახანს უძრავად ვიყავი, მერე ვიფიქრე: როდემდის ვიდგე ასე და წავიწიე ზევითკენ. მაშინვე ქვევით ჩავცურდი 1¹/₂ მეტრზე; მარო ტ-ძემ და გიორგიმ გამაჩერეს. მახსოვს გიორგის გაეცინა. მე კი, ამ ცურვის დროს, შიშის მაგიერ სიბრაზეს ვგრძნობდი, იმიტომ რომ ჩემი დაცურებით შესაძლებელი იყო სხვებიც დამეღუპა. მარო ბეჟანიშვილი ძალიან ნელა მიდიოდა და მე მას ვუცდიდი, ამიტომ ყველამ წინ გაგვისწრო, გარდა სანდრო კილაძისა, რომელიც მარო ბეჟანიშვილის უკან იყო და გაჩერების ნებას არ აძლევდა. როგორც იყო კლდეებს ჩამოვცდიით. ამ დროს გავიგონე ვიღაცის ძახილი: გიორგი-ო. ძალიან გამიკვირდა, რადგან იქ აღარავინ მეგულებოდა. თურმე ჟორა ალიხანოვი უკან ჩამორჩენილა. დაუყვირე: წამოდი-თქო. მან პასუხად ისევ გიორგის დაუწყო ძახილი; გიორგიც და სხვებიც უკვე შორს იყვნენ. ჟორას ვეკითხებოდი, თუ რაშია საქმე; ის მაინც თავისას არ იშლიდა და გიორგის უძახდა. არ ვიცოდი, რა უნდოდა. მე მეგონა გიორგის არ ესმოდა და მეც მას დაუწყე ყვირილი, მაგრამ ბევრი აღარ მიყვირია, რადგან ვგრძნობდი, რომ ყვირილი მასუსტებდა. ვატყობდი, რომ სანდროზე კარგად ვგრძნობდი თავს. ამიტომ ვუთხარი: — „შენ მარო ბეჟანიშვილს მოუარე, მე კი ჟორას დაუცდი: ორივე ჩემ წინ გაუშვი, ჟორა კი ისევ „გიორგი, გიორგი“-ს ყვიროდა. შევეკითხე ჟორას: „ჩემი ხმა გესმის“. — „კიო“.—

„რალას უცდი, წამოდი. ეხლა გიორგი ვერც შენს ხმას გაიგონებს და რომ გაიგონოს მაინც ვერ ამოვა“. იმან ისევ განჰგრძო — „გიორგი, გიორგი“-ო. ამან, მართალი, რომ ვსთქვა, შემაშინა. ხომ არ გაგიჟდა მეტქი, მაგრამ ვიფიქრე. ასე სიტყვეში რა გააგიჟებდა. „მოდიხარ, გიცდი“ — „მოვდივარ“-ო, მიპასუხა და ისევ გიორგი დაიყვირა. ოჲ, ვიფიქრე, მოდი დაებრუნდები, და გავიგებ, რა მოხდა, მაგრამ რას დაებრუნდები, როდესაც ძლივს სამშვიდობოს გავედი, და ისევ იქ წავიდე. გავიხედე ქვევით. იქ ყველაფერი ნისლმა დაჰფარა. მარო ბეჟანიშვილი და სანდრო კილაძე ძლივსღა ჩანდნენ. აქაც ისე გავიფიქრე — „როდემდის ვიყო ასე“. დაბრუნება ძალიან მეზარებოდა, ყორას თავი დაევანებო — ჩავიდე. მერე ბათუმელს ტფილისელებმა სახეში შემათურთხონ: არ უშველე ძმასაო. ამ აზრმა ძალა მომემატა, ბევრი აღარ ეიფიქრე. ფრთხილად დავიწყე ისე ასვლა და თან ვფიქრობდი — „თუ დავიღუპე, სასახელოა და მით უფრო მოვალეობის ასრულებისთვის“. კლდეებს აუხვიე და ავიხედე. ვხედავ, ყორა ძალიან ცოტაზე ჩამოცოცდა. ცალ ფეხზე წრიაპი მოხსნია, გაყინული ხელებით ვედარ მიუმაგრებია და ამიტომ კუსავით ნელა მოცოცავდა. ვიდრე ყორა მომიახლოვდებოდა, ხელები დავიწილე, გავიხურე და მუშაობის უნარი განვაახლე. მიუმაგრე წრიაპი და ფრთხილად ნელ-ნელა ჩამოვედით“.

მე მარო ბეჟანიშვილს მოუცადე და მას გავყევი. ამ დროს მარო ტყავაძე, რომელიც ბევრად

ჩემზე წინ იყო და რომელიც დაგორების თეოდოც, რალაც დაბნეული იყო, ხელახლად კოტრიალით დაგორდა. მისი ბეწვიანი ჩაფსუტი და ხელთათმანები ქარმა დევდარაკისაკენ გაიტაცა. თითოხ კი საშინელი სისწრაფით ქვევით მიგორავდა. გზაზე კურტს დაეჯახა და ისიც დააგორა. მე და მარო იყენიშვილი სულგანაბულები ვუყუოებდით ამ საშინელ სურათს. საბედნიეროდ ორივენი მარცხნივ თოვლყინულა ველისაკენ მიგორავდნენ და არა მარჯვნივ უფსკრულისკენ. წოწიდან ჩამოგორდნენ და თოვლში ჩაიფლნენ. მარო ტყავაძე უძრავად მკვდარივით ეგდო. დავინახე თუ არა წელანდელივით სირბილით მისკენ გავსწიე, მაგრამ წინ ორას მეტრამდე მანძილი იყო. ჩემი ჩამორბენის სიჩქარე თანდათან მატულობდა და ბოლოს მეც თავდაყირა კოტრიალით წავედი. წერაყინი ხელიდან გამისხლტა, ჯიბიდან უბის წიგნაკი, ამომვარდა, რომელშიაც მოგზაურობის შენიშვნები მქონდა ჩაწერილი, აგრეთვე ყველა ჩვენი საბუთები სამუდამოთ დევდარაკისაკენ გაფრინდა. მე წოწის ბოლომდე ვიგორე და იქვე კურტის და ტყავაძის გვერდში უვნებლად თოვლში ჩავიფალი. თურმე ისინიც ჩემსავით უვნებლათ გადარჩენილიყვნენ; მხოლოდ მაროს ნერვები აშლოდა და მარტო ველარ მიდიოდა. თითონ მარტო ტყავაძე ასე სწერს თავის დღიურში:

„მივდივარ მარტო. ჩასვლა მიძნელდება. წოწიდან ჩამოსვლის დროს ქუსლები უნდა ჩავარკოყინულში. მარცხენა ქუსლს კარგათ ვარჭობ, მაგ-

რამ მარჯვენა არ ჩერდება და ასე წვალეებით ნელ-ნელა ჩამოვდივარ. ბოლოს გადავწყვიტე ჩაცურება, მაგრამ ამის გადაწყვეტა და ჩემი კოტრილით ჩაგორება ერთი იყო. კარგა მანძილი რომ ვიგორე, კურტს, რომელსაც ჩემი შეჩერება უნდოდა, დავეჩახე და ისიც დავაგორე. დიდხანს ვიგორეთ. ბოლოს როგორღაც გავჩერდი, მივიხედე, — ვხედავ კურტიც გაჩერდა, მაგრამ ამ დროს გიორგი დაგორდა და ისიც ჩვენ გვერდში შეჩერდა. თურმე გიორგი ჩემ მოსაშველებლად წამოსული დაგორებულ იყო. ამ გორვაში ქუდიც დაკარგე და თავშიშველი დავრჩი. ადგომა მინდოდა, მაგრამ მუხლებში ძალა აღარ მქონდა. აქედან წამიყვანეს ჯერ გიორგიმ, მერე კურტმა და ლევანს ქუშაშვილმა, მარჯვენა ფეხიდან ბანდული გამეძრო და ფეხშიშველიც დავრჩი. მიუახლოვდით ლიტუისას, რომელიც ყველა ჩამოსულებს ხვდებოდა და თითო ყლუბ კონიაკს ასმევდა. იმან თავისი წულა მომცა და კურტის და ლევანის დახმარებით განვაგრძე გზა“.

მე როცა მარო ტყავაძე კურტს ჩავაბარე, უკან დაბრუნება მომიხდა, რადგან ზევით ჩვენი სამი წერაყინი დარჩა. მხოლოდ იმან, ვინც ასეთს ექსპედიციაში ყოფილა, იცის თუ რა ძნელია ასეთ პირობებში ათიოდე ნაბიჯით უკან დაბრუნება. ჭეკი 50 მეტრზე ასვლა დამჭირდა.

გამყოლი ლევანს ქუშაშვილი წოწის შუაზე დაგვხვდა. იმან უსაზღვროთ გაგვახარა ვანიჩკა კუკავაძის, ფოიას და გოგის „შევარდენის ბუდეში“

მშვიდობით დაბრუნების ამბით. თურქე იაგორაბ ზევიდან დაგორებული კაცი რომ დაინახა, ვანიჩკა კუკავაძე ყოფილა. შემდეგ თვით ვახიჩკამ გვიამბო თავისი დაგორების ამბავი: „თქვენ რომ ზევით გასწიეთ, მე თქვენთან გამოსალმება მინდოდა, მოვბრუნდი თქვენსკენ და ძმური სალაში დაგიყვირეთ. ამ დროს ფეხები როგორღაც გამცხლტა და თავდაყირა გორვით ქვევით წავედი. მინდოდა წერაყინით გავჩერებულიყავი, მაგრამ, დიდი სიჩქარის გამო, ვერ გავჩერდი. ქვევით კოტრილით მივდიოდი, თან კი ფიქრში დედას ვესალმებოდი. ასე დიდხანს ვიგორავე და სრულიად მოულოდნელად რბილ თოვლში მოვხვდი, სადაც შეჩერება შეეძელი“.

თოვლყინულა ველზე ჩვენი კვალი ქარს სრულიად მოეშალა. ის ადგილი, სადაც ჩვენი ჩანთები ჩავფალით, სრულიად დაკარგულიყო და თურქე სულ შემთხვევით სანდრო კილაძე წაქცევის დროს ერთ-ერთ ჩანთას დასცემოდა და ამით აღმოეჩინა ჩვენი ბარგი. ყველამ თითო ყლუპი კონიაკი დალია და გზას გაუდგა. მე და ლიტუსია კი დავრჩით. მარო ბ-ს, ატოს და ჟორას ვუცდიდით. ლიტუსი ჩხეიძე ძალიან ყოჩაღათ იყო. აიღო კონიაკის ბოთლი და ზევით დაბრუნდა, ჩამორჩენილების გასამხნეველად. მე კი იქ დავრჩი, და, რომ არ გავყინულიყავი, ჩქარის ნაბიჯით სულ პატარა მანძილზედ, სადაც ფეხი თოვლში არ იფლებოდა, დავდიოდი. ქარი ისევ ძლიერად უბერავდა. ყინვაც ძლიერ საგრძნობი იყო. ღამდებოდა კიდევ.

დობხანს ეტყადა, ბოლოს ყველანი ჩამოვიდნენ. გადაქვერით თოვლყინულა ეელი „ყიხვართ გუშაგთან“ მიიქდით, იქიდგან დაბლა, შორს. „შეიარდენის ბუღის“ მიმართულებით მაშხალები დაიგინახეთ. ჩვენები ნიშნებს გვაძლევდნენ. მახლობლად, წყაროსთან. ლეიანი გიციდიდა, რომ სიბნელეში გახა წიკლაურის ბილიკზე გავეტარებინეთ. ისე მოქანცულები ვიყავით, რომ ფეხებს ძლიერს მიიპატრიველით. სწორეთ 9 1/2 იყო. როცა ჩვენ მშვიდრები, ბუნებასთან 11 საათის მედგარი და შეუწყვეტელი ბრძოლის შემდეგ, „შევიარდენის ბუღის“ დაუბრუნდით. იქ ჩვენებმა ცხელი ჩაი დაგვახადდრეს. მიუხედავად საშინელი დაოლილობისა, ყველა ალტაცებულა. მხიარულა. ჩვენი მოგზაურობა ყველასთვის უზიანოთ დამთავრდა და მიზანსაც მივადწიეთ.

აღსანიშნავა, რომ თან წაღებული სურსათი, რომელსაც ტთილისიდანვე ისეთ ყურადღებას ვაქცივდით და რომელიც წამალივით, წონით დაიბრძვით, იმ ორეს სულ არ ეღობმარია. გარდა შაქრის რამდენიმე ნატეხებისა. ჩვენი ჩანთები ისევ ისე დატვირთულები მოვიტანეთ უკან.

ე. მეორე დღე შევიარდენის გუშაგის დიფიკულტის ნაპირაპირისკენ ვაგზავრება და მისვლა.

მთელი მეორე დღე ქარავში ვიწექით და ვისვენებდით. ერთმანეთს გუშინდელ შთაბეჭდილებებს ვუზიარებდით და გვიკვირდა, რომ ასეთ ქარს

და ყინვას ყველანი მშვიდობით გადაურჩით. მე მიამბეს, რომ აბზი ბეზურტანოვი, შევარდენის ბუდეში დაბრუნების შემდეგ, მყინვარ-წყვერისკენ ხელაპყრობილი ჩვენ გადააჩინაზე ლოცულობდა. მართლაც თოვლის სიმრავლის გამო, ამ ზაფხულს ასვლა შედარებით ძალიან ძნელი ყოფილა. ჩვენ ვარკვევდით, ვის რა დაუშავდა. ჩვენ მთავარ მტერს — ყინვას — არავისთვის ზიანი არ მიუყენებია, გარდა იმისა, რომ თითქმის ყველას თითები დაძრული და დაბუყებული ჰქონდათ, რაც 10-15 დღის შემდეგ მოგვირჩა. ყინვა ისეთი საშინელი იყო, რომ ყავა მათარებში გაგვეყინა, როგორცაა შემდეგ ცეცხლზე ვათბობდით და როგორც ყავის ნაყინს ისე ვჭამდით. ფეხები კი ყველას უვნებელი გვქონდა. ბანდულები შესანიშნავი ფეხსაცმელი გამოდგა — მსუბუქი და თბილი. დაგორების დროს არავინ დაზიანდა. საყურადღებოა ის, რომ სხვა და სხვა გვარ წრიაპებიდან ჩვენებურმა მოხევეურმა წრიაპებმა ყველას აჯობა. ის ოთხ კბილიანი ჯვარედინი წრიაპი, რომელიც სტეფანწმინდაში მჭედელ „ქოთიამ“ გამოგვიქედა, ყველაზე სანდო გამოდგა. შვეიცარიული და ინგლისური შედარებით ნაკლებად გამოსადეგი იყო.

უმთავრესი ზიანი ჩვენ იისფერ-გალმა (ულტრა-იისფერი) სხივებმა მოგვაყენეს. ცნობილია, რომ ამ სხივებს ჰაერი თავის სისქეში ძალიან ცუდად ატარებს. ზღვის დონესთან შედარებით 5 კილომეტრის სიმაღლეზე ვიყავით და, რა თქმა უნდა, იისფერ გალმა სხივებისთვის 5 კილომეტრიან ჰა-

ერის სისქეს დიდი მნიშვნელობა აქვს. იოსებ-გალმა სხივები აქ უამრავია და ჩვენ სახეებზე მათი ქიმიური მოქმედება საშინელია. მიუხედავად ქარ-ბუქისა და ნისლისა, ჩვენ საშინლად გავშავდით და შოკოლადის ფერის გავხდით. ცხვირები გაგვიწითლდა, გაგვისივდა, ტყავი დასკდა. ტუჩებიც სულ დაგვისკდა, გასივდა და ზედ რაღაც მუწუკები დაგვაყარა. მეტადრე დები დაგვიზიანდნენ, რაღაც ჯოჯოებს დაემსგავსნენ. ელიკო ლორთქიფანიძეს და ყორა ალიხანოვს გზაში ბნელი სათვალეები მოეხსნათ, რამაც მეორე დღეს თვალის ანთება გამოიწვია. თვალეები საშინლად გაუწითლდათ, და ცრემლი სდიოდათ. თითქმის ვერაფერს ხედავდნენ და საშინელი ტკივილები ჰქონდათ. მაგრამ ეს საშიში არ იყო და მალეც გაუარა. ისევ „შეიარდენის ბუდეში“ ვისვენებდით. ზოგი ძმები კი ქვევით წავიდნენ: სანდრო კილაძე და მიშა ჭინჭარაძე სტეფან-წმინდაში სურსათის დასამზადებლად და დეპეშების დასაგზავნათ წავიდნენ. უნდა გაცნობოთ ყველას, რომ მყინვარ-წვერზე ამდენი ხალხი ასეთ საშინელ პირობებში აგედით და უვნებლათ დაკბრუნდით. ბორია კრიკოზუბკინი და ყორა ალიხანოვი ძაღვში (კაეკავში) წავიდნენ; ყორა, თვალის ექიმთან, ამათ ლევან ქუშაშვილი რა აბზი ბუზურტანოვი გაჰყვნენ.

ამინდი თანდათან თუქნდებოდა. ღრუბელი გროვდებოდა. საღამოს წვიმა მოვიდა და ხორბოშელაც მოაყოლა. ჩვენი სურსათი ძალიან ტკბილი და სუქანი იყო, რამაც თავი მოგვაბეზრა: ქონს ვე-

ლარც კი ვუყურებდით. იმ დღეს უმთავრესად კაკოს და შაქარ-ნარეც თოვლსა ვჭამდით, რომელიც შოკოლადის ნაყინს მოგვაგონებდა და ძალიან მოგვწონდა. მთელ დღეს ან ვიწექით, ან კედლებზე წარწერებს ვაკეთებდით.

შევარდენის ბუდეს უწინ რუსული სამთო საზოგადოება უვლიდა, ეხლა კი სრულიად უპატრონოთ არის მიგდებული: დღეიდან ჩვენ, ქართველი მგზავროსნები უნდა დავეპატრონოთ მას. ვოცნებობ, რომ ისევ დავბრუნდებით აქ, და ჩვენი პირველი ასვლის სახსოვრად, ჩვენივე ხელით შევაკეთებთ შევარდენის ბუდეს.

ღამე დიდი ქარი ამოვარდა. წვიმს, თოვს, ჩვენ კი კარავში ვწევართ, რომელიც წინდაწინვე ქვებით დავამაგრეთ და მას გარშემო თხრილიც გაუკეთეთ. დასველებული კარავი ნელ-ნელა მთლად გაიყინა. დილით აღარ წვიმდა, მაგრამ ჩამოლრუბლული იყო და ქვევიდან ნისლი ამოდიოდა. უმრავლესობას წასვლა უნდოდა, მე კი ჯერ ვერ გადამეწყვიტა: შევარდენის ბუდესთან გამოსალმება მეძნელებოდა. უცებ ვიღაცამ დაიძახა: „კაზარმებთან კარავია, კარავი, დიდებულებივე მოვიდა, გიორგი!“ გავიქეცი დევდარაკისაკენ და გადავიხედეთ: „მოვიდა, მოსულა, სოსოც მოვიდა, სოსოც“ — ახმაურდა „შევარდენის ბუდე“. ბევრმა დაიწყეს ერთხმად ყვირილი: სოსო — ას-ლა-ნი-შვი-ლი. დანარჩენებიც შეუერთდით და ყველა, 23 კაცი ვუძახდით სოსოს. ამ დროს ცოტა ხნით მზემაც გამოიხედა და ჩვენ ნიშნად ატოს დიდი საბა-

ნი ავაფრიალეთ. ცხადია, რომ შეგვნიშნეს, რადგან ხელსაწყო-ჰელიოტროპის ბრწყინვალე შუქი მოგვაპყრეს. ეს შუქი ხან ჰქრებოდა, ხან ისევ ენთებოდა. მორზეს ანბანით რაღაცას გვანიშნებდნენ, მაგრამ ვერ გავიგეთ.

ამინდი თანდათან ფუჭდებოდა. ჩვენ საჩქაროდ შეგკარით ბარგი, ზურგზე ავიკიდეთ და ქვევით გავემგზავრეთ. თუ ზევით ჩვენი ბარგი 18 მზიდავმა ამოიტანა და ისიც ორგზათ, ეხლა ყველაფერი ჩვენ თითონ მიგვექონდა ერთბაშად, ფულიც შემოგვეღია და ყაირათობა გვკირდებოდა. ყველა საშინლად დატვირთული იყო. მე ერთი სველი კარავი მომქონდა, წონით 2 ფუთი და კიდევ ჩემი ბარგი. ერთი ფუთი, სულ დაახლოვებით 3 ფუთი. იმდენივე შაქრო მამამთავრიშვილს და არც დანარჩენები ჩამოგვიყარდებოდნენ. ყველანი დატვირთულ აქლემებს ვგავდით. ისევ გაწვიმდა, გზა დასველდა და ქვები გასლიპდა. ატოს თავის ბარგი მშვენიერ საბნით შევარდენის ბუდიდან დაუგორდა და სამუდამოდ დაგვარგა.

ქვევით ჩასვლის დროს ძელიან დავიტანჯეთ. მე ჩემი სამი ფუთი გზის ორ მესამედზე ვათრიე, სანამ სლიპი ბალახი დაიწყებოდა, იქ ველარ შევძელი და იძულებული გაეხდი ბარგის ნაწილი სხვისთვის გადამეცა. დაახლოვებით გზის ერთ მესამედზე ობსერვატორიის ექსპედიციის მოწინავე ნაწილი შეგვხვდა. მისი ზევით მიდიოდნენ. სხვათა შორის, ერთი ქალიც — ჯაფარიძე¹, მიჰყვებო-

¹ ალექსანდრა ბიქიას ას. ჯაფარიძე (1895—1974) — გამოჩენილი ქართველი მთასელელი ქალი.

დათ. ასე მიყრუებულ ალაგს, ასეთ პირობებში შეხედრა ორივე მხრივ დიდ აღტაცებას იწვევს. ჩვენ საჩქაროთ ჩვენი ასელის ამბავს ეუბნებოდნენ, ისინი გამარჯვებას გვილოცავენ და ალბათ ფიქრობენ, ავლენ თითონაც თუ არა. სოსოს წერილიც გადმომცეს, რომელიც ახლად წოდებულ — დიდებულის ნაბინავარში გველოდებოდა. წვიმა მატულობდა. ელიკოს ჩამოსვლა ძალიან უჭირდებოდა, რადგან, თვალების დაშავების გამო, ვერას ხედავდა. ზვიდან დაგორებული ქვა ჩემ დიდ ფოტოგრაფიულ აპარატს მოხვდა და აპარატი უფსკრულში ჩაგორდა ნამსხვრევებად ქცეული. მასთან ერთად დაიღუპა ჩვენი საუკეთესო სურათებიც და აგრეთვე ცეისის ძვირფასი ობიექტივი. გზაში ბევრი რამე დავევიგორდა უფსკრულში. ზოგი სამუდამოთ დაიკარგა, ზოგი კი ქვევით ჩასვლისას ვნახეთ.

ბოლო დროს ძალიან გაგვიძნელდა; საბედნიეროდ დიდებულის ექსპედიციის მზიდველებმა ჩამოირბინეს გასაოცარი სისწრაფით, მოკლე გზით შალალის ქვანაყარზე შეიარღენის ბუდიდგან. ზოგ მათგანს გაურიგდით ბანდულებზე და ისინი დაგვეხმარნენ. როგორც იყო დაღმართი ჩამოვიარეთ და დევდარაკის მყინვარს შეუდგით. აქ ერთ-ერთ ნაპრალში ლევანის მიერ მოკლული ჯიხვის ნაწილი ვნახეთ, რომელიც ლევანს ჩვენთვის შეენახა. ისიც თან წამოვიღეთ. უკვე საღამო იყო, როცა თავიდან ფეხებამდე გაწუწულებმა დიდებულის ნაბინავარს მივალწიეთ. იქ პროფესორი

დიდებულიძე დიდი სტუმარ-მოყვარეობით შეგ-
 ეხვდა. ყველას ცხელი ყავა დაგვალევიხა, ერთი კა-
 რავი დაგვითმო და სხვა ამგვარი დახმარება აღ-
 მოგვიჩინა. ცეცხლზე ეშრებით და ვთბებით; იქ-
 ვე მახლობლათ სამეცნიერო ხელსაწყოები ალა-
 გია. ექსპედიციის წევრები ღწურ¹ დაკვირვებას
 აწარმოებენ. აქ ჩემი ჰაერწნევაზომის სისწორე შე-
 გამოწმე. მისვლისთანავე ყველანი ყვირილით გარ-
 შემოვეხვიეთ სოსო ასლანიშვილს. ყველა მას ელა-
 პარაკება, მას უამბობს თავის ამბავს, საწყალმა
 სოსომ აღარ იცის, რომელ ერთს უგდოს ყური.
 იქვე გავეცანით ცნობილ გამყოლ გახა წიკლაურს.
 ის გვიცინის; ჩვენი ამბავი მოიწონა ძალიან, მაგ-
 რამ სჩანს, რომ ბევრი ლაპარაკი არ უყვარს. სო-
 სო ხუმრობით ეკითხება: „გახა, როგორ მოგწონს
 ჩვენი მოვარჯიშეები“-ო. — „ჰაი, ჰაი, რომ ხალ-
 ხია“, უპასუხებს ის მოკლედ. მოხევე მზიდველი-
 ბი ძალიან დაგვიმეგობრდნენ. მარო ტყაიძეს, მი-
 სი ჩქარი სიარულისათვის, ქართველი პრეობრა-
 ენსკი უწოდეს. ყველა მას მარი პალნას (მარია
 პავლოვანას) ეძახის. თვითონ მოხივეები ჩვენ ძა-
 ლიან მოგვიწონა: კობტა და ლამაზი ხალხია, მთებ-
 ში საკვირველი სიმარდით დადიან, ლაპარაკიც
 შეუღდარბელი აქვთ, შუა მარცვალზე ხმას ამალ-
 ლებენ, მაგალითად: „ყინვარწვირზე ასვლა ჰაი
 ჰაი რომ ძნელია, ბარაქალა, ყოჩაღათ იარეთ, მე

¹ გიორგი ნიკოლაძის ტერმინოლოგიით — „ზუსტ“;
 აღ. დიდებულიძის ექსპედიცია ზუსტ მეტეოროლოგიურ
 დაკვირვებებს ისახავდა მიზნად.

იმედი არ მქონდა, რომ ამისთანა გოხჯ ამინდჩი ასე გაბედულად ივლიდით“. მალე ჩვენ ჯგუფებად დავიყავით. დები ჩიხვის ხარშეას შეუდგნენ, კარავების კომისია ბება თუმანიშვილის ხელმძღვანელობით — კარავების დადგმას და სხვა. კარავის დადგმა ძალიან გაუძნელდათ, რადგან სველი ხასკეების გახსნა დაძრული ხელებით ძხელი იყო. კარავები დადგეს კაზარმის კედლების ნანგრევებზე, მაღალ სველ ბალახში, იქვე ცეცხლი დაანთეს. მე და გოგი ტოროშელიძემ, მიუხედავად წვიმის და დიდი სიცივისა (-5 მენაკი იყო), ფეხთგავიზადეთ და ფეხშიშველა დავდიოდით ბალახში, წულას კი ცეცხლთან ვაშრობდით. ბოლოს ეს წულები ორივეს დაგვეწვა და სულ ფეხშიშველა დავრჩით, რადგან ბანდულებიც წინათ მზიდველებს დახმარებისთვის მივეცი. ძალიან გვშიან. მოუთმენლად მოველით ჩიხვის ხარშოს. დიდი ხანია „ხეირიანი“ არაფერი გვიჭამია, და ძალიან გვენატრება. ზოგი იქამდის მივიდა, რომ ყველის და ჭადის ნატეხებში შოკოლადს აძლევს. ბოლოს ხორციც მოგვართვეს. რა მშვენიერი ყოფილა ჩიხვის ხორცი, მაგრამ რა ცოტაა...

ჩვენც და ჩვენი ბარგიც სულ ერთიანად სველია. ძალიან ცივა. მთელი ღამე სველ კარავში მწოლარეებს თავზე გვაწვიმა, მაგრამ, მიუხედავად ამისა, ყველას ისე ტკბილათ გვეძინა, თითქო საუკეთესო თბილ ლოგინში ვიყავით; აღარც ჰაერის სითხელე გვაწუხებდა.

დილით აღარე ავდექით. სურსათი სულ გამოგველია... რაც დაგვრჩა, ამ დილას დავირიგეთ. თითოს ცოტა კარაქი და შაქრის სველი ფხვნილი გვერგო; ამით ცოტა შეენაყრდით. გამოვეთხოვეთ სოსოს და სამეცნიერო ექსპედიციას, რომელთაც სამადლობელით რამდენიმე ჩვენი წერაყინი და წრიაპები ვათხოვეთ. ავიკიდეთ ბარგი და გზას გაუდექით. იქაც დიდი წვალემა გამოვიარეთ, რადგან ძლიერ მძიმე ტვირთი მოგვექონდა. ხან და ხან განგებ ვაგორებდით. ბარგს დაღმართზე. მაგრამ ესე უარესი იყო. ხშირად ეს ბარგი ისეთ ალაგს ჩაგორდებოდა, რომ უკან ამოთრევა გვიჭირდებოდა. ამ ჩაგორების დროს ვერას ჩანთა გაეხსნა და მთელი ბარგი დაეფანტა. დიდხანს მოუნდით მის მოგროვებას. ბოლოს გველეთში ჩვენ გამყოლი აბზი ბეზურტანოვს ბინაზე მივედით, სადაც ჩვენი ძმები სანდრო კილაძე და მიშა ჭინჭარაძე დაგვიხვდნენ. ამათ ჩვენთვის ყველაფერი მოემზადებინათ. ძლივს ვეღირსეთ ჰადს, ყველს, რძეს და ხორცს. ისე შედექით, როგორც დამშეული მგლების ფარა.

შემდეგ თბილ ოთახში დავწექით. გამოვიძინეთ და მეორე დღეს ცხენის ურმით (ორთვალათი) ძაუგისკენ (კავკავისაკენ) გავემგზავრეთ. ფეხსაცმელი სრულიად გაგვიცვდა. მე და მარო ბეჟანიშვილი ფეხშიშველა დავრჩით. შაქრო მამამთავრიშვილს ბანდულები აცვია. ასე შევედით ძაუგში.

მიუხედავად ამისა, რომ ამდენი სანახაობა უკვე
ენახეთ, დარიალის სეობამ მაინც დიდი შთაბეჭდი-
ლება დასტოვა ყველაზე. ზედგამოჭრილია შონე-
ური სიმღერა:

ტილა დარიალო,
კლდენი ხარ ცარიალო.

აი საქართველოს საზღვრებსაც მივადწიეთ.
დროებით საქართველოს უნდა გამოვესალმით და
საზღვარ-გარეთ გადავიდეთ...

ლარსში დიდი ტვირთმატარი დაგვხვდა, ძაუ-
გიდან ტფილისში მიმავალი, ძალიან დატვირთუ-
ლი იყო. ბარგზე კი ბევრი ხალხი იჯდა. მათ შორის
ვიდაც სქელი კაცი და ქალიც. ჩაცმულობით ინ-
გლისელ მგზავროსნებს (ტურისტებს) მიაგავდენ,
მაგრამ რუსულად დაგველაპარაკნენ და ჩვენი ვი-
ნაობა იკითხეს. ჩვენ ვუთხარით, რომ მყინვარ-
წვერიდან მოვდივართ. იმათ სიცილი დაიწყეს და
ჩვენ განმეორებით რწმუნებაზე გვიპასუხეს: „იქ
ბომ ორი კაცის გარდა (პასტუხოვის¹ და პრეობრა-
ჟენსკისა) არავინ ასულაო. რას გვატყუებთო. და,
გარდა ამისა, მთაში ნასიარულობა თქვენ სულ არ
გეტყობათო. ჩვენ ერთ მთაზე ავედით კისლაგოდ-
სკთან და მზემ სულ სახეზე ტყავი გადაგვაძროვო.
სახლიდან ველარ გამოვდიოდითო“. ყოველხაირად
ვეცდილობდით, რომ ჩვენი სიმართლე დაგვეპტკი-
ცებინა, ისინი კი სულ თავისას იძახოდნენ. საქმე

¹ ანდრეი ვასილის ძე პასტუხოვი (1860—1899) — ცნობილი რუსი სამხედრო ტოპოგრაფი, რომელიც კავკასიონის ტოპოგრაფიულ აზომებს აწარმოებდა.

იქამდის მივიდა, რომ წერაყინები და წრიაპები ვუჩვენეთ. ეს წრიაპები სრულებით დაუახგულიაო, სჩანს ირც გინმარიათო“. უკანასკნელი არგუმენტი შე ვიყავი, როგორც გაფრეხ-თავი (ანუ მთამსვლელთა მეთაური) და როგორც უნივერსიტეტის დოცენტი; მაგრამ ჩემ მოკლე შარვალს და ტიტველა ფეხებს ისე შემოხედეს, რომ ცხადად ვიგრძენი, თვით მყინვარზე ასვლის ამბავს უფრო ადვილად დაიჯერებდნენ, ვიდრე ჩემ დოცენტობას. თურმე ჩვენდამი ასეთ უნდობლობას ის იწვევდა, რომ ჩვენ ქართველები ვიყავით, რადგან, როგორც კი შვედელი ძმა კურტი მათ გერმანულად დაელაპარაკა, მაშინათვე დაიჯერეს. მაშინ მათ აღტაცებამ და გაკვირვებამ საზღვარს გადააჭარბა — „თქვენ ეხლა ხომ ისტორიაში მოპყვებით“.

11. დაბრუნება.

დანარჩენი ჩვენი მოგზაურობა, ამდენ გაჭირვებათა გამოვლის შემდეგ, დასვენებას წარმოადგენდა. ძაუგში ქართულ სკოლაში დავბინავდით და იქ 4 დღე დავრჩით. იქ უმთავრესად საზამთროებით ვიკვებებოდით. ქუჩებში ჩვენებურ ტანსაცმელით დავდიოდით, ძმები მოკლე შარვლებით, დებიც შარვლებით, რაც კავკავში დიდ გაკვირვებას იწვევდა. მოჭიდავე ცირკლებათ გვთვლიდნენ. როცა ვეუბნებოდით, რომ მყინვარ-წვერიდან

ჩამოსულები ვართ, ისინი ექვის თვალთ გვიცქეროდნენ და არ სჯეროდათ. სამაგიეროთ პრეობრა-ენსკის ქალი „მარი-პალნა“ ეხლა სულ სხვანაირად გვიყურებდა. ის ბევრჯელ ვნახეთ და დაუმეგობრდით კიდევ. თავისი მრავალი მოგზაურობიდან ბევრი საყურადღებო რამე გვიამბო.

ისევ გამოიღარა. მყინვარ-წყვერი კავკავიდახ სულ ახლო ჩანს. ეხლა ის უწინდელზე უფრო გვიზიდავს. იქვე კავკავში გადავწყვიტეთ, რომ გაისათ უსათუოდ ისევ ავალთ მაზე და საზოგადოთ მთელ ზაფხულს მთასგლას მოვანდომებთ.

ღრო მიდიოდა, ფული ნელ-ნელა გველეოდა. ტფილისიდან დაპირებული ტვირთმატარი კი არ მოდიოდა. ჩვენი მდგომარეობა კრიტიკული ზღებოდა. საბედნიეროდ მთიელთა რესპუბლიკის სახ. გან. კომისარის მოხდგილემ, მუგუეეშმა, გადაგვარჩინა. ის ჩვენ იშვიათი ყურადღებით მოგვეპყრო: ნულიც მოგვცა, იაფფასიანი ბილეთები გვიშოვნა რკინის გზაზე, ისე გაგვისტუმრა ტფილისისაკენ, ბაქოს გზით. მშვენიერად ვამგზავრეთ. გზაში სულ ყურძენს შევექცეოდით, ვინაიდან ყელაზე იაფი იყო. ერთი დღე დარუბანდში გაჩერდა ჩვენი ვაგონი და მთელი დღე ზღვაში ვბანაობდით. ერთი სიტყვით, საესებრთ დავისვენეთ და ტფილისში ისე გასუქებულები და გამოკეთებულები ჩამოვედით, რომ ყველას უკვირდა. — „ასე რომელმა აგარაკმა დაგასუქათო“ — გვეკითხებოდნენ.

ენკენისთვის მე-9¹ დღე იყო, ხოლო ჩენი გაფრენის მე-19, როდესაც საღამოს ტფილისს მიუახლოვდით. ჩვენ აღტაცებას საზღვარი არა ჰქონდა. თავს ისე ვგრძნობდით, როგორც გამარჯვებულ ომიდან დაბრუნებულნი, თუმცა მგზავრობის დაბოლოება ძალიან გვწყინდა. ტფილისში დიდი ყურადღებით დაგვხვდა საზოგადოება. სჩანს, რომ ყველას წაუეკითხია, ყველამ იცის და დაინტერესებულია ჩენი ასვლით. ეტყობათ, რომ ბევრს ჩენი მიბაძვა სურს. ჩვენც ეს გვინდოდა. ჩენი სურვილი ის იყო, რომ ჩვენ ექსპედიციას ჩვენში მთასელის შემოღების და მგზავრობის ანუ ტურიზმის ფართო გაფრცვლების საძირკველი ჩაეყარა. მართალია, მთასელა ერთგვარ ნებისყოფას, გამბედაობას და ამასთანავე ხარჯებსაც მოითხოვს, მაგრამ სამაგეროთ ადამიანის ცოდნას, გამძლეობას და ჯანმრთელობას ძლიერ წინ სწევს და, რაც მთავარია, აღმაფრენის და სიმშენიერის მრავალ ახალს და მაღალ გრძნობებს უნერგავს. მე მსურს, რომ ამ ჩენი ასვლის ამბავმა რამდენიმეს მაინც აგრძნობინოს სურვილის ის დაუშრეტელი ცეცხლი, რომელიც მრავალ დაბრკოლებათა გადალახვის შეშდეგ. მას მყინვარის, ან სხვა რომელიმე მაღალ მთის მწვერვალებზედ აიყვანდეს. ასეთებს მივმართავ და ვუსურებ მათ, ჩენი გამბედაობა გამოიჩინონ, მაგრამ ამასთან ერთად — ჩენი სიტრთხილე და წინდახედულობაც.

¹ ანუ 9 სექტემბერი.

შ ი ნ ა ა რ ს ი

გიორგი ნიკოლაძის მთამსვლელობის აღწერილობა	—
წინასიტყვაობა აბზიანიძისა	3
პირველი ქართული ასვლა მყინვარ-წვეთზე	12

Николадзе Георгий Николаевич
ПЕРВОЕ ВОСХОЖДЕНИЕ ГРУЗИНСКИХ
АЛЬПИНИСТОВ НА КАЗБЕК

(На грузианском языке)

Издательство «Сабчота Сакартвело»
Тбилиси, Марджанишвили, 5
1983

რედაქტორი მ. ასათიანი
მხატვარი ო. თავაძე
მხატვრული რედაქტორი ლ. ღვინჭილია
ტიქნიკური რედაქტორი ლ. ჰელიძე
კორექტორი მ. რაქიშვილი
გამომწვეები ლ. იამანიძე

ბ. ბ. № 2809.

გადაეცა წარმოებას 6.07.83 წ. ხელმოწერილია დასაბეჭ-
დად 25.10. 83 წ. საბეჭდი ქაღალდი № 1. 70×90¹/₃₂. გარ-
ნიტური ვენა. ზეკდვის ხერხი მაღალი. პირობითი ნაბეჭ-
დი თაბახი 3,36. + ჩაყვრა 0,15. პირ. საღ. გატ. 4,32.
სააღრ-საგამომც. თაბახი 2,45. უე 05776. ტრაჟეი 3.000.

შეკვ. № 1372.

ფასი 20 კაპ.

გამომცემლობა „საბჭოთა საქართველო“
თბილისი მარჯანიშვილის 5.

საქართველოს სსრ გამომცემლობათა,
პოლიგრაფიისა და წიგნის ვაჭრობის საქმეთა სახელმწიფო
კომიტეტის თბილისის № 12 სტამბა, უშ. ჩხეიძის ქ. № 8.
Тбилисская типография № 12 Государственного
комитета Грузинской ССР по делам издательств,
полиграфий и книжной торговли.
Ул. Уш. Чхеидзе № 8.